

刑
案
匯
覽

刑案匯覽卷八

目錄

娶親屬妻妾

娶大功兄妻爲妻應獨坐主婚

娶總弟妻餘親主婚應分首從

娶大功兄賣休之妻

與功兄妻通姦氏翁將氏賣休

娶未婚弟婦爲妻係尊長主婚

娶未婚弟妻主婚媒人似收贖

過房之子與孀媳成婚

娶部民婦女爲妻妾

順天府通判在京買妾

強占良家妻女

夥搶被誘婦女從犯將女姦污

縱姦致被強占本夫情急妄告

搶買有夫改嫁之婦並非夥衆

通姦被控藏匿姦婦意圖霸留

搶奪娼家撫養十歲幼女已成

挾嫌擄截婦女致被他人強姦

強搶被系白休輾轉償賣之婦

搶奪與販婦女不論姦污與否

搶奪與販婦女不論身價情否

婦女自帶幼女未便併作搶奪

強搶買休之婦與犯姦婦女同

搶奪與販婦女分別治罪定例

與販賣休婦女亦應作犯姦論

強搶婢女分別來歷曾否知情

婢女係由父母嫁與良婦論

搶居喪改嫁婦誤搶良婦請示

搶居喪改嫁婦分別會否成婚

搶居喪改嫁已成婚之婦擬軍刑

影搶犯姦婦女誤搶良婦嫁賣

強搶由伊翁主婚改嫁之婦婦

搶奪居喪改嫁成婚之婦姦污

央媒強贊婦婦不從強行姦污

嚇逼本夫休妻乘機娶為媳

姦夫商同氏母強逼本夫休妻

受人臨終寄託輒復姦占其妻

嚇逼婦女成姦強留家內姦宿

掖刀匪徒姦占良婦情節兇橫

休妻改嫁因短身價糾衆搶回

明知夥搶犯姦之婦故買作妾

夥搶被姦男子已成旋被奪回

戀姦搶奪犯姦年甫十二優伶

救援遭風船隻強奪婦女索謝

車幼強搶婦女配與尊長爲妻

父搶親屬之女其子乘空姦汚

糾衆搶獲婦女首夥共向姦汚

首夥二人搶奪路行婦女姦汚

夥搶婦女雖未姦汚應擬斬絞

搶奪路行婦女甫經拉走被獲

聽從夥搶婦女臨時畏懼逃回

嚇逼勉從代爲媒說事同架拉

謀搶並未同行知情代爲誘女

聽從夥搶婦女至期因病不行
被父逼留中途逃回事後隨行
明知夥搶婦女圖利窩留

強盜搶奪婦女船戶被脅裝載

同謀未經同搶窩留又復刁姦

搶奪路行婦女未賣並非聚眾

聚眾並未夥謀爲從被誘同行

止論成與未成不論入室人數

誘令爲從仍係聚眾但未夥謀

首犯身雖不行亦在夥衆人數

捏稱買妥翻悔糾衆幫同強搶

竊賊臨時起意搶奪婦女未成

同姓例不爲婚不得謂之瓜葛

媒合不從代搶素有瓜葛之婦

螟蛉歸宗仍屬同姓不爲瓜葛

強搶族姑嫁賣買主業已回覆

聚衆強搶應以臨時人數爲斷

素無瓜葛卽不論其曾否媒說

夥搶從犯均不知情各科各罪

妻被悔婚強姦媒人之媳抵制

夥搶爲從雖未入室仍應擬絞

刑家通覽卷八目錄終

刑案匯覽卷八

娶親屬妻妾

娶大功兄妻為妻應獨坐主婚

陝撫 咨外結徒犯楊秉德娶大功兄妻王氏為妻
一案查律載嫁娶違律若山父母主婚者獨坐主婚
又媒人知情者減犯人罪一等又娶小功以上親之
妻以姦論又例載凡嫁娶違律罪不至死仍依舊律
定擬各等語此案楊秉德收大功兄妻王氏為妻係
由伊母楊麻氏主婚該省聲明罪不至死按例應依
舊律定擬照律獨坐主婚將楊麻氏依娶小功以上

親之妻以姦論姦總麻以上親之妻者杖徒律擬杖一百徒三年照律收贖與例相符楊秉德收大功兄妻楊王氏爲妻係由伊母主婚業已罪坐伊母男女律不坐罪所擬照律免罪自可照覆

道光六年說帖

娶總弟妻餘親主婚應分首從

陝西司 查律載嫁娶違律由祖父母父母主婚獨

坐主婚男女不坐餘親主婚事由主婚主婚爲首男女爲從事由男女男女爲首主婚爲從又娶同宗親麻親之妻各杖六十徒一年各等語是嫁娶違律之案應將父母主婚及餘親主婚分別辦理界限甚明

娶大功兄賣休
之妻

引斷不容牽混此案楊錦椿主婚將孀媳母氏改嫁
與總麻服姪楊宗德爲妾在母氏聽從翁命律得不
坐而楊錦椿係楊宗德總麻服叔卽屬餘親按律應
分別首從於娶總麻親之妻徒罪上減等問擬今該
督以楊宗德娶總麻弟妻係氏翁主婚照律不坐殊
屬錯誤應卽更正楊宗德應改依娶同宗總麻親之
妻杖六十徒一年律係餘親主婚該犯爲從應減一
等杖一百

道光九年說帖

川督 咨潘懷年娶大功兄妻唐氏爲室一案奉

批嫁娶違律律應罪坐主婚此案該氏之改嫁由於賣
休自應比例罪坐本夫爲是等因查律載嫁娶違律
若由祖父母父母主婚者違律之罪獨坐主婚男女
不坐餘親主婚者事由主婚主婚爲首男女爲從至
死者主婚人並減一等等語是律內違律主婚分別
治罪係專指祖父母父母及期親以下尊長而言並
未議及本夫者誠以本夫賣休律有明禁自不應有
本夫主婚之例此案潘懷全因貧將妻唐氏嫁與大
功弟潘懷年爲妻雖該氏之改嫁由於本夫賣休惟

律內娶大功親之妻各以姦論卽應各科姦罪該省
將潘懷年依姦總麻以上親之妻例發附近充軍唐
氏依律擬以滿徒均與律例相符至潘懷全起意將
妻嫁賣與大功弟致伊妻伊弟均干內亂之罪未便
僅照姦常賣休本律擬杖律內又無賣休與親屬作
何治罪專條查縱姦本律本夫應與本婦姦夫同罪
又教誘人犯法亦應與犯同罪今案內買休之潘懷
年及改嫁之唐氏旣律以姦論則潘懷全一犯卽應
與本婦姦夫同罪惟姦大功親之妻律內姦夫姦婦

與功兄妻通姦
氏翁將氏賣休

娶未婚弟婦為
妾係尊長主婚

各杖一百徒三年例內始將姦夫改發附近充軍本
夫潘懷全自應仍照律與同徒罪今該督將潘懷全
照賣休本律擬杖一百殊未允協應改依姦大功之
親律杖一百徒三年

嘉慶二十一年說帖

奉尹 咨孫富有與大功弟妻通姦後經氏翁孫忠
將姦婦賣與孫富有為妻孫富有應照姦總麻以上
親之妻例擬軍孫忠罔顧倫紀應以凡論照媒合人
減一等擬以滿徒

嘉慶十九年案

奉尹 咨劉七娶未婚弟婦為妻一案此案劉七之

弟劉八聘定蘇從德姪女蘇大各爲妻尙未過門劉
八旋即逃亡外出八年無蹤蘇從德因蘇大各年已
長成恐誤終身起意商同劉七胞兄劉美主婚將蘇
大各配給劉七爲妻該府尹比照嫁娶違律獨坐主
婚律分別首從問擬流徒咨部詳加酌核蘇大各如
已與劉八成婚而劉七於劉八逃亡之後聽從伊兄
主婚配合自應照例擬絞今蘇大各雖許聘劉八爲
妻並未過門婚配則該氏係在室之女劉八旣逃亡
無蹤例得報官別行改嫁該府尹議請獨坐主婚將

起意婚配之蘇從德等分別首從擬以流徒男女照律不坐蘇大各仍離異歸宗聽其改嫁別姓揆之情理均屬允當奉

批此案該府尹所辦頗得情理自應照覆但此等案情罕見仍交館詳查從前有无成案可比如無舊案則自此爲始卽傳知各司抄存備考又奉

批按法則已聘者卽有名分但律設大法例順人情故例有逃亡在外三年無信許其妻告官別嫁也此案蘇氏係劉八未婚之妻其夫未娶逃出八年別嫁本

屬合法惟不得與劉七婚配耳今其父其兄冒昧作
合乃愚民之無知既不便謂之收已婚之弟婦亦不
可謂之娶應嫁之平人該府尹準情酌理擬以流徒
向屬允協惟不記有無舊案故批交查覆今既查無
成案似應以此作為依據傳知各司抄存可也

乾隆六十年說帖

娶未婚弟妻主
婚媒人俱收賄

北撫 題汪一受等將未婚次媳甥么女重娶與長
子汪恍美為妻一案查律載嫁娶違律若由男女之
伯叔父母兄弟主婚者違律之罪獨坐主婚男女不

坐至死者主婚人減一等又例載嫁娶違律如弟亡
收弟婦罪犯應死之案如由父母主令婚配男女仍
擬絞監候又律載嫁娶違律媒人知情者減犯人罪
一等又因人犯罪連累罪人收贖者連累人亦准罪
人贖罪法各等語至兄娶已聘未婚弟婦由父母主
婚之案似不在弟亡收弟婦之列檢查乾隆六十年
奉天省咨劉士娶未婚弟婦爲妻係由父兄主婚該
省將起意婚配之蘇從德等分別首從擬以流徒男
女不坐仍離異等因咨結在案此案注一男先爲次

子汪洸倫聘定魏李氏之女魏么女爲妻汪洸倫旋
卽物故汪一受憶及魏么女前雖聘與次子尙未過
門隨倩劉輝彩作媒備具財禮將魏么女聘定與長
子汪洸美爲妻魏李氏允從填寫庚書付給汪一受
隨後過門婚配該省將魏從婚配之汪洸美魏么女
均比照弟亡收弟婦如由父母主婚男女仍擬絞監
候例上酌減一等俱擬滿流起意主婚之汪一受魏
李氏仍坐主婚之罪照汪洸美等滿流之罪均擬滿
流知情媒合之劉輝彩減等滿流詳加酌核如魏么

女已先與汪洸倫成婚汪洸美於汪洸倫病故之後
聽從伊父主婚配合自應照例擬以縗首今魏么女
雖經許定汪洸倫爲室汪洸倫於未婚之前物故魏
么女本准改字別姓第不得與汪洸美婚配且魏么
女先許汪洸倫爲妻並未過門完姻尙係在室之女
卽違律嫁娶按律止罪坐主婚該省將魏么女比例
減流已未允協而汪洸美聽從配合雖不得謂之娶
應嫁之平人總不得謂之收已婚之弟婦況事由伊
父母汪一受等冒昧主婚曾經央媒說合立有婚書

均出於鄉愚無知不諳例禁所致該省將汪沈美比
依弟亡收弟婦絞例上減等擬流尚覺情輕法重且
核與辦過孝天劉七之案未符似應查照更正應將
起意主婚之汪一受魏李氏均比照嫁娶違律由父
母主婚獨坐主婚至死減一等律於弟亡收弟婦男
女俱絞例上減一等杖一百流三千里汪一受年逾
七十魏李氏係婦女分別收贖知情媒合之劉耀彩
照嫁娶違律媒人知情減犯人罪一等律應於汪一
受等流罪上減一等擬杖一百徒三年惟該犯係汪

一受倩其作媒卽屬因人連累致罪現在汪一受所得流罪已照律收贖按因人連累罪人收贖者連累人亦准罪人收贖法該犯劉輝彩亦應照律准汪一受收贖法准其收贖汪洗美魏么女由於父母主婚男女照律不坐魏么女仍離異歸宗聽其改字別姓似此量爲酌改庶不至與劉七之案辦理兩歧而情法亦得其平矣再劉七一案前會傳知各司抄存備考歷年旣久見聞人希各司未必復能記憶應再行傳知各司存記以爲將來依據

道光六年設帖

通房之子與婦
如成婚

查犯罪共逃條內道光九年湖廣司說帖內稱江
一受案內知情媒合之劉輝彩未便牽引因人違
累之條與正犯一體收贖致滋寬縱等因須索考

盛京刑部 咨徐廷律呈控恩波因借貸不遂挾嫌聚

訟一案查律載娶小功以上親之妻以姦論又例載

姦總麻以上親之妻者姦夫發附近充軍又律載姦

弟妻者姦夫姦婦各絞決各等語此案徐進德因小

功堂弟徐進發病故徐姓族長徐思和因徐進發之

父徐思海早年外出未回家產無人照管與族人議

合將徐進德出繼與徐思海為嗣寫立過單嗣徐進

德卽與徐進發之妻陳氏婚配該省將徐進德陳氏
均照娶小功以上親之妻以姦論姦總麻以上親之
妻杖徒律各杖一百徒三年等因查姦總麻以上親
之妻姦婦應照律擬徒姦夫應發附近充軍今該省
將姦夫徐進德一律擬徒已屬錯誤且徐進德過繼
與已故小功堂弟徐進發之父徐思海爲子與徐進
發卽服屬期親徐進德與徐進發之妻陳氏成婚應
以姦論按律姦弟妻者姦夫姦婦各絞決未便仍照
小功服制辦理惟查該犯徐進德過繼與徐思海是

否例准承繼徐思海現又外出未歸其或據賢擇愛
亦難懸定檢閱該省原咨勘語並該犯原供徐進德
與陳氏婚配均在過繼之後而查閱徐進德先在防
守尉衙門原供有小的兄弟媳婦情願嫁小的爲妻
並同中人張洪信等將小的過繼徐思海爲嗣似徐
進德與陳氏婚配又在未經過繼之先是徐進德應
否過繼並過繼之先後均爲此案罪名出入關鍵該
省均未敘明應駁令覆審妥擬

道光五年奉天司說

娶部民婦女爲妻妾

順天府通判在京買妾

吏部 查刑部審辦大興縣民婦王石氏誘令籍隸廣東之武舉徐朝泰之妻徐謝氏捏稱孀婦賣與孫懷汾爲妾一案查律載官員娶部民婦女爲妻者杖八十定例官員犯私罪杖八十者降三級調用等語此案孫懷汾憑媒買娶徐謝氏爲妾追詢係有夫之婦卽赴坊呈送惟該員係新補順天府糧馬通判雖非府州縣親民官可比究由本屬置買應酌減爲降二級調用 嘉慶三年通行本內題准案

強占良家妻女

婦搶被誘婦女
從犯婦女素污

熱河都統王連登聽從逃犯曹岫旺搶奪蒙古
女子瑪乍一案查李建春與瑪乍約為夫婦和誘同
逃瑪乍聽從開臉實屬苟且無恥與犯姦之女無異
曹岫旺稔知瑪乍被李建春誘逃情由起意邀搶賈
錢卽邀允王連登等乘夜將瑪乍搶掠出門王連登
背負先行走至山後與瑪乍行姦一次報縣獲犯審
供屬實該都統以王連登在蒙古地方搶奪蒙古女
子例無明文應照依刑律辦理並聲明王連登聽從

縱姦致被強占
本決情懇哀告

搶奪下手搶出資至中途姦污未便照爲從問擬將
王連登依聚衆夥搶犯姦婦女已成爲首例發回城
爲奴尙屬允協惟此例現已收發雲貴兩廣極邊烟
瘴充軍應卽更正並將右面改刺改發二字

道光六年直隸司說帖

江督 奏周泳太先與孫囑柱之妻傅氏通姦係孫
囑柱縱容孫囑柱因其不能多給錢文屢次爭鬧控
縣傳訊孫囑柱因係縱姦不敢到案旋卽外出迨後
回家周泳太與傅氏不肯留住孫囑柱懷忿卽報告

拍賣有夫改嫁
之婦並非夥眾

周泳太習教謀逆惟孫輞柱誣累多人係由周泳太
姦占其妻所致將周泳太於強搶犯姦婦女已成遺
罪上量減一等擬以滿徒

嘉慶十八年安徽司案

東撫 咨外結徒犯內張氏因夫張兆林外出起意

改嫁以致被姑老張氏賣與張殿為妾張兆林告官

斷回既贖其節復失其身實與犯姦之婦無別魏山

與賈榮將其拍賣僅止二人並非夥眾係在逃之賈

榮為首獲日應比照搶奪犯姦婦女量減問擬滿徒

魏山係為從再減一等杖九十徒二年半

嘉慶二十五年案

通姦被控藏匿
姦婦意圖勒留

蘇撫 咨郭鋪與陳許氏通姦敗露先經焦泰運等
私和寢息後郭鋪復與續舊被許氏夫祖陳銓聞知
指控該犯輒令焦泰運將許氏送藏王卜五家一月
之久顯係有意霸留雖訊無恃勢強奪情事其串囑
藏匿情同姦占應將郭鋪於強奪良家妻女姦占爲
妻姦姦候上量減一等滿流 道光二年案

據奪娼家檢獲
十歲幼女已出

東撫 咨拾奪娼婦撫養幼女應否照搶奪良家婦
女辦理咨請部示一案查例載聚眾夥謀搶奪婦女
已成爲首者勒立決爲從者皆絞監候又聚眾夥謀

搶奪曾經犯姦婦女已成首犯改發重賞兩廣撫選
烟燭充軍爲從杖一百流三千里如婦女犯姦後已
經悔過自新確有證據者仍以良人婦女論等語是
搶奪婦女之案例內止論被搶之人曾否犯姦並會
經犯姦是否悔過分別辦理至於娼妓之家搶奪貞
潔婦女其搶奪本犯例內並無得從輕減明文今該
省以姦婦之女若媳以及娼妓家抱養義女守正不
污者較先曾犯姦後經悔過者尤爲貞潔如一經被
搶但論其家是否清白不計其身是否貞淫卽照搶

奪犯姦婦女科斷未爲平允山東省現有胡得明等
搶奪娼婦周孔氏撫養幼女省妮等價賣一案省妮
年僅十歲確係處女應否照搶奪良家婦女辦理咨
請部示等因查婦女被搶例內止分曾否犯姦並未
泥於律文良家字樣且婦女犯姦後已經悔過尙得
以良人婦女論其並未犯姦之人尤不應復論其家
是否清白更屬顯然蓋婦女以名節爲重而搶奪之
罪卽以是否敗人名節爲區別其在良家婦女守正
不污一經搶奪固屬敗人名節若娼妓抱養姦夫經

挾嫌擄殺婦女
致被他人強姦

人搶獲卽不得以良女論是其人於毫無知識時已
不才入於娼妓之手一經搶獲復拘於例內犯姦之
條輒以搶奪犯姦婦女論揆之人情例義俱未允協
今被搶之省妍既非犯姦之女則搶奪之胡得明等
例有搶奪婦女正條自不得牽引搶奪曾經犯姦婦
女之例應令該省詳核例文定擬

道光二年說帖

福撫 奏詹錦等因詹葉兩姓械鬪有嫌追見葉陳
氏在伊村經過該犯主令詹葉氏將葉陳氏擄回家
內致被姦污惟姦污並非該犯意料所及而究由主

強搶被竊賣休
轉轉倒賣之婦

使攔回所致將唐錦於搶奪婦女姦污律上量減一
等滿流詹葉氏並無主使強姦情事惟聽從攔留應
於唐錦流罪上減一等滿徒

嘉慶二十四年案

東撫 咨郭相林等夥搶楊傑之妾蕭氏一案查嘉
慶二十年該省咨搶奪與販婦女案內被販婦女審
有甘爲下賤者亦有幼女被鬻由於父母之命賣後
並未姦污尚不失爲清白處女者作何治罪咨請部
示一案經本部以幼女既經被賣即難保其不爲婢
女者必以會否姦污爲斷未免漫無區別行令仍照

盜奪與販婦女
不論姦污與否

搶奪與販婦女
不論身價清否

搶奪與販婦女定擬又二十一年該省以婦女已被
其夫契賣而價買之人並未交清身價復令本夫隨
同覓主轉賣許俟得錢再行找付旋即被人搶奪姦
占例無明文咨請部示一案經本部查婦女既肯聽
夫契賣雖身價尙未交清本夫隨同覓主而該婦女
既甘心受鬻於與販之手已屬失身自未便與良婦
並論應仍按與販婦女辦理等因咨覆各在案此案
蕭氏先許與段西嶺之子段大爲妻過門童養嗣經
段西嶺等賣與與販馮五之手迨後馮五將蕭氏轉

婦女自帶幼女
未便併作搶奪

賈與劉百湖爲妾劉百湖故後其子將蕭氏賣與楊傑爲妾郭相林張幗泰因貧聽從在逃之李六等欲將蕭氏搶賣李六等踹門入室楊傑當卽走避蕭氏喊叫李六用刀嚇禁蕭氏畏懼卽將所生幼女懷抱李六等將蕭氏等拉出送至李百魁家旋經破控緝獲現犯到案該省聲明蕭氏先經伊翁段西嶺等賣與興販馮五之手又經馮五輾轉賣與楊傑爲妾是該氏節次甘心受嚮置名節於不問未便與良家婦女並論卽幼女喜姐亦係蕭氏自行懷抱攜帶非該

犯等一併搶奪自應按夥搶犯姦婦女問擬將郭相
林張綱泰依搶奪曾經犯姦婦女已成爲從夥搶例
擬流郭相林聲請留養等因查蕭氏先經伊翁賣與
興販之手已無名節可言自難謂之良婦至幼女究
係蕭氏自行懷抱並非該犯等一併搶奪該省將郭
相林等依搶奪曾經犯姦婦女已成爲從例擬流核
與該省咨請部示各案相符似可照覆至郭相林親
老丁單之處查不准留養條例內並無此條似亦可

准其留養

道光二年設帖

強搶買休之婦
與外姦婦女同

此係道光二年之案此時搶奪與販婦女亦係比
照搶奪犯姦婦女科斷是以說帖內敘有與販婦
女請示成案迨道光四年將搶奪與販婦女之犯
分別首從擬以絞遣另立專例惟此案係賣休之
婦與新例無所牽涉是以錄存

蘇撫 咨李繼周等夥搶李貴買休之妻許氏已成
咨請部示一案查搶奪與販婦女之例係專指與販
婦女而言至甘心聽從本夫賣休即屬失節之婦不
惟與良婦不同亦與與販婦女迥別檢查道光二年
山東省咨李六等搶奪楊傑買休之婦蕭氏已成將
李六等照夥搶犯姦婦女已成例開擬軍流核覆在

案此案李繼周因席元將妻許氏嫁賣囑伊找尋買主該犯說合賣給李貴爲妻李貴許給媒錢二三十文該犯屢討未給起意糾同李興等七人將許氏搶出尙未嫁賣該省以例無明文咨部請示查許氏因前夫席元染患癰症將該氏賣與李貴爲妻係和同賣休已屬失身之婦李繼周等將其强搶自應比照搶奪犯姦婦女例分別首從問擬軍流未便牽引搶奪與販婦女之條轉致失當該撫聲請定立科條之處應毋庸議嗣後遇有搶奪買休之婦卽比照搶奪犯

搶奪與販婦女
分別治罪定例

姦婦女之例辦理

道光四年說帖

山東司 查搶奪與販婦女例無治罪明文從前各

省咨請部示經臣部以與販婦女例禁禁嚴無論其

甘心鬻賣已屬失身卽幼女被鬻固屬由於父母之

命然既落諸與販之手卽不能仍與良家婦女一例

並觀行令比照搶奪曾經犯姦婦女例分別首從問

擬軍流此後各省遇有搶奪與販婦女之案俱係比

例辦理歷經臣部照覆在案茲據山東巡撫咨稱匪

徒明知與販有干例禁因而挾制糾搶固與平空搶

奪良家婦女有聞衡情定讞自應稍爲區別但與販
之徒洵爲有罪而被販婦女多係貧乏之人飢寒交
迫爲父母者不得不鬻賣子女以活命事處窘急勢
難擇人而售是以往往鬻與興販之手其中固有有
夫之婦亦有幼女無知雖情節各有不同而其迫於
飢寒困苦無告舍一身而救全家之情則理無二致
是被鬻由於父母翁姑之命勢非得已乃因密係興
販遂加以犯姦之名寬搶奪者斬絞之重罪似非所
以重風化而懲匪徒近年以來搶奪興販婦女之案

漸多未始非法輕易犯之故自宜另行酌擬使匪徒
知所做畏嗣後夥衆搶奪與販婦女之案可否於聚
衆夥謀搶奪良家婦女已成為首斬立決例上量減
爲絞監候爲從再減一等發極邊烟瘴充軍等因咨
部_臣等查與販婦女賣給之人及販買之犯均屬有
干例禁而被販婦女既肯甘心聽鬻亦與良家婦女
有間是以向來辦理夥搶與販婦女之案比照搶奪
犯姦婦女之例分別問擬軍流第婦女最重名節而
例義尤懲兇暴若因婦女一經被販卽不問其是否

清白椒加以犯姦之名似不足以別貞淫而昭允協
且匪徒往往知人與販婦女肆意糾拾亦應從嚴懲
創俾知儆畏該撫請將夥衆搶奪與販婦女之案可
否於聚衆夥謀搶奪良家婦女已成爲首者斬立決
例上量減爲絞監候爲從再減一等發極邊烟瘴充
軍是定案既不等於良家復與犯姦者有別於禁戢
兇暴之中仍寓維持風化之意所擬尙屬允當自宜
另立專條以昭畫一惟查搶奪良家婦女已成未成
及是否聚衆首從罪名俱分等差則搶奪與販婦女

似亦應量爲區別以示持平該撫所議首犯擬絞從犯擬軍係指聚眾夥謀搶奪與販婦女已成而言其並非聚眾及夥搶未成首從各犯作何問罪均未議及自應一併擬定庶引斷得有依據臣等公同酌議應請嗣後聚眾夥謀搶奪與販婦女已成者爲首擬絞監候爲從實發雲貴兩廣極邊烟瘴充軍同謀未經同搶之犯杖一百流二千里如圖搶未成爲首實發雲貴兩廣極邊烟瘴充軍爲從杖一百流二千里同謀未經同搶之犯杖一百徒三年其並非聚眾但

將與販婦女搶奪已成者爲首發極邊足四千里充
軍爲從杖一百徒三年同謀未經同搶之犯杖九十
徒二年半若圖搶未成爲首杖一百徒三年爲從杖
九十徒二年半同謀未經同搶之犯杖八十徒二年
如有拒捕其所殺傷係與販之犯仍同凡論若係本
婦及本婦有服親屬均依罪人拒捕律科斷如此酌
定專條既與良家婦女有別亦與犯姦婦女不同於
情法亦得其平

道光四年奏准通行已纂例

湖廣司 查例載聚眾夥謀搶奪曾經犯姦婦女已

與販賣休婦女
亦應作犯姦論

成無論在途在室首犯改發雲貴兩廣烟瘴地方充
軍爲從幫搶者杖一百流三千里同謀未經同搶之
犯杖一百徒三年又聚眾夥謀搶奪與販婦女已成
者爲首擬絞監候爲從實發雲貴兩廣極邊烟瘴地
方充軍同謀未經同搶之犯杖一百流二千里又律
載犯罪拒捕者於本罪上加二等各等語此案鄭常
稔知夏氏係陳潮珍向喻金斗買休之婦起意搶賣
邀允蕭輝徂等同抵陳潮珍家將夏氏搶出拉走因
夏氏臥地不行鄭常取夏氏手帶鐵鑿打傷夏氏左

右胎膊等處並踢傷其右腰眼經官兵追及逃匿旋
被拿獲該州因例無明文將鄭常等比照聚眾搶奪
犯姦婦女例分別擬以軍流徒杖該撫以夏氏雖係
買休之婦不過律應離異與犯姦不同搶奪與販婦
女其中或有良婦或有曾經犯姦之婦或有買休之
婦而爲首之犯例均擬絞似可將各犯比照搶奪與
販婦女已成例分別首從定擬惟罪名出入懸殊詳
請部示等因查婦女首重名節既肯甘心賣休有夫
更嫁卽與犯姦無異至與販婦女其中雖有良婦及

會經犯姦並買休之婦不等但夥搶犯姦婦女爲首
罪止擬軍夥搶與販婦女爲首則應擬絞儻與販之
中有犯姦之婦豈能因搶自與販者之手轉置其犯
姦於不議而科以縲首之罪是搶奪與販婦女之中
若有會經犯姦及買休之婦到官時無難各按本條
科罪檢查道光四年江蘇省咨李繼周等夥衆強搶
李貴買休之婦許氏已成一案該省因例無明文咨
請部示經本部咨行該省比照搶奪犯姦婦女之例
問擬此案鄭常等搶奪買休之婦夏氏已成事同一

強搶婢女分別
來歷會否知情

例自應援照辦理惟鄭常將夏氏搶出後因夏氏不
走將其毆踢致傷自應加拒捕罪問擬應令速飭審
擬報部 道光八年說帖

東撫 咨張王氏糾搶閩兆書家婢女轉妮已成吞
請部示一案查例載聚眾夥謀搶奪與販婦女已成
爲首擬絞監候爲從實發雲貴兩廣極邊烟瘴充軍
同謀未經同搶之犯杖一百流二千里等語此案張
王氏與閩兆書鄰莊居住轉妮係任李氏之女因貧
難度得錢四千將轉妮賣給李姓魏姓後李姓魏姓

同轉妮救張王氏之夫張須轉賣未經收留李姓遂將轉妮賣與閻兆書爲婢嗣張王氏知轉妮來歷不明起意糾邀已獲之李大牙劉二朱常有陸海然李氏並在逃之張五李柱李襯李成共夥十人欲搶轉妮賣錢分用李大牙等應允是夜張王氏與陸海然李氏並未同往李大牙等七人至閻兆書家將轉妮搶出因閻兆書起捕劉二與李襯用刀將閻兆書砍傷李大牙等並未將轉妮弄污該省以轉妮雖未犯姦第既以自與販婦女之手卽不能與良家婦女並

論自應遵照部議此照夥搶犯姦婦女已成例問擬
劉二拒捕刃傷閻兆書平復亦應比照搶奪財物傷
人如刃傷者首犯擬斬監候惟轉妮被搶之時已在
閻兆書倒買之後並非搶自與販之手且劉二因搶
奪婦女刃傷應捕之人又與搶奪財物刃傷事主者
有別又查良賤相毆並良賤相姦各律內凡毆傷他
人奴婢及姦他人婢者減凡人一等則搶奪他人婢
者較之搶奪良人妻女其情爲輕比類參觀亦應減
等問擬方昭平允律例並無正條援引恐致失當相

應否請部示太部查夥衆搶奪婦女之例附於強占
良家妻女門內律稱良家妻女者係對娼家與犯姦
之婦而言非謂婢女與良家妻女有分別也例稱婦
女則婢女亦在其中參觀各律雖良人毆他人奴婢
及姦他人婢者各減凡人一等然律載良人毆他人
奴婢若相侵財物者註云如盜竊強奪詐欺誣騙恐
嚇求索之類不用此減律仍以凡毆法卽良人姦他
人婢律內註云如強者仍照凡論擬絞監候未成者
杖一百流三千里細釋例意良人與奴婢盜竊強奪

詐欺誣騙並強姦他人之婢既照凡人一律問擬則
搶奪他人婢女自不得轉較強姦等類爲輕且例載
誘拐婦人子女卽不分良人奴婢搶奪重於誘拐以
此隅反則搶奪他人婢女自應與良家婦女並論未
便稍從輕減惟是同一賣身婢女或徑由父母憑媒
賣給或落諸典販之手輾轉價賣而糾搶之人是不
知情情節既屬不同則其糾搶婢女之罪亦應稍示
區別此案張王氏起意糾搶閻兆書家婢女轉妮已
成如果轉妮由伊母任李氏徑行賣給並非由販賣

者轉賣或經李姓魏姓販賣而糾搶之人並不知情
則該犯婦張王氏平空糾搶並將事主拒捕刃傷
應照例分別擬以斬絞不得牽引他例率議輕減
與律例未符今被搶之轉妮先經伊母任李氏價賣
與李姓魏姓迨後李姓魏姓託張王氏之夫轉賣未
留李姓旋將轉妮賣與閻兆書爲婢檢查原咨內據
閻兆書供稱有李姓魏姓聲言轉妮是伊姨外甥女
逃荒來此欲將轉妮價賣伊未經問明來歷憑鄰人
說合將轉妮收買爲婢質之轉妮供亦無異是轉妮

已落諸李姓魏姓與販之手並非徑由伊父母憑媒
賣給而張王氏之所以起意糾搶者實因李姓魏姓
曾將轉妮託伊夫轉賣知其來歷不明所致尙與平
空糾搶者有間若竟照聚眾夥搶婦女例分別擬以
斬決絞候未免與並非買自販賣者無所區別衡情
定讞自應酌量比照搶奪與販婦女新例問擬應將
張王氏比照聚眾夥謀搶奪與販婦女已成爲首絞
監候爲從同搶已獲之李大牙劉二朱常有及同謀
未經同搶之陸海然李氏等五犯內劉二一犯拒捕

婢女係由父母
賣與良婦合

刃傷閭閻書平復係屬別項罪人拒捕應於聚眾搶
奪與販婦女已成爲從實發烟瘴充軍例上加拒捕
罪二等發遣新疆種地當差其餘李大牙等四犯照
例分別問擬軍流再查婦女既經賣入良家卽屬良
家婦女如有搶奪他人婢女係由伊父母徑自憑媒
價賣及雖買自與販之人而搶奪之犯並不知情卽
應照聚眾夥搶婦女及強搶各本例分別問擬不得
仍以搶奪與販婦女論以示區別而昭限制

道光四年說帖

東撫題李占魁等夥竊衣物並聽從王幅智搶奪

王大姐已成一案緣李占魁於道光二年六月二十
八日聽從宋二良等結夥持械行竊事主王志忠家
衣飾分用次早王志忠之父王允查知報官連獲賊
賊囑令王志忠捏以強劫等詞報縣勘驗詳悉飭緝
是年十二月十二日李占魁高起祥與在逃之王幅
智王玉柱李臘梅姚三撞遇間談王幅智稔該縣民
王舉之女王大姐自幼許配胡廣祿為媳王舉之妻
王氏因王舉外出家貧將王太姐賣與不知情之高
瓚為婢旋收作妾王幅智起意糾搶王大姐價賣分

肥李占魁等允從是夜同夥六人齊抵高墳門首高
起祥因與高墳認識在外等候李占魁等踢門進內
將王大姐搶出背至丹廣利家窩藏嗣經王幅智將
王大姐賣與鄒鳳業爲妾得錢與李占魁等均分獲
犯飭審將李占魁等照搶奪犯姦婦女分別從重問
擬軍流咨准部覆以東省另有張王氏糾搶閭兆書
家使女轉妮案內聲明婦女既經賣入良家卽屬良
家婦女如有搶奪他人婢女係由伊父母徑自價賣
卽應照聚眾夥搶婦女及強搶各本例問擬行文在

案此案王大姐係由伊母王氏徑自賣與高璜爲婢
高璜並不知情既經賣入良家卽屬良人婦女駁飭
覆審查王大姐先經其父王舉許配胡廣祿爲媳嗣
經其母王氏賣與高璜爲婢旋收作妾雖事由母命
按照悔婚另許律應離異已屬失身之婦是以該縣
前將李占魁等比照搶奪犯姦婦女辦理因李占魁
尚有持械夥竊之案將李占魁等分別從重比例問
擬軍流茲准前因自應遵照更正將李占魁高起祥
均依例擬絞監候照例刺字等因具題查例載聚衆

夥謀搶奪婦女已成爲從皆絞監候等語此案李占魁高起祥聽從逸犯王幅智夥搶王大姐賣錢分用先據該省以王幅智等稔知王大姐原許與胡廣祿爲媳經其母王氏價賣與高璜爲婢旋收作妾按照悔婚之律卽應離異已屬失身與良人婦女不同將該犯等依搶奪犯姦婦女例擬流因該犯尙有持械夥竊之案從重照例擬軍等因咨部經臣部以王大姐係伊母王氏徑自賣與高璜爲婢高璜並不知情既經賣入良家卽屬良家婦女不得與犯姦婦女同

科駁令另行安擬今據遵駁改擬臣等復查王大姐固係悔婚另嫁律應離異之婦惟究由伊母主婚未便加以犯姦之名遽將李占魁等比照強搶犯姦婦女爲從擬流卽謂悔婚另嫁之婦與以禮婚娶者不同若一經被搶卽概照夥衆搶奪良家婦女爲從例擬絞監候入於秋審情實不足以示區別亦祇可矣秋審時酌量衡情辦理不得於定案時遽擬輕減致滋畸重畸輕之漸現旣據改擬具題詳核情罪尙屬允協應如所題李占魁等起祥均合依衆夥謀搶

搶居喪嫁婦
誤搶良婦請示

奪婦女已成為從例均擬絞監候秋後處決事主王
允囑子王志忠以竊報強例應杖一百惟王允年逾
九十照例免其坐罪王志忠聽從父命並免置議王
大姐原許胡廣祿為媳今胡廣祿以王大如業經
殯收買為妾已屬失身之婦情願退婚王大如應仍
給高瑛領回完聚高起祥之父高玉林不能禁子為
匪關傳責懲等因題准

道光六年通行

山東司 查搶奪婦女例內搶奪良婦與犯姦婦女
並與販婦女各有治罪明文若搶奪居喪嫁娶律應

離異之婦律例內雖無作何治罪專條然案情百出
不窮律例豈能周詳總須承審官悉心勘訊按照律
例妥擬即使例無正條自可援引他律比附科斷不
得以案情與律例稍有未符率請部示今該撫以臨
朐縣民張彬等聽從張令夥搶夫亡改嫁之輩李氏
已成該撫因例無明文可否比照搶奪與販婦女例
問擬並博山縣現有圖搶犯姦之婦誤將良婦搶出
迫出門後知覺畏懼卽逃應作何治罪之處一併咨
請部示等因查辦理案件應由外省準情定讞依律

問擬罪名是否允當由本部核覆卽例無專條之案
自有援引他律比附加減之名例可循若因擬罪恐
有出入或應否量減或此附何條預行咨部商定則
是部中自擬自覆不惟於庶獄無以昭詳慎亦於體
制未符所有該撫咨請部示之處本部均未便率擬
應令該撫將該犯等按照律例妥擬到日再行核覆

道光五年說帖

搶居喪改嫁婦
分別會否成婚

蘇撫 咨武開忠聽從田玉登駁眾強搶居喪改嫁
之孫紀氏已成一案又張二禿子聽從張二夥搶王

鳳奇之妻劉氏 案查核案情孫紀氏因前夫王庭儀病故不願孀守改嫁與孫淵爲妻武開忠遇見田玉登等田玉登道及孫紀氏前夫病故未久甘心改嫁並非貞節婦人起意搶賣武開忠等允從同往將孫紀氏搶出又劉氏因前夫穆大本病故經父劉文奇主婚改嫁與王鳳奇爲妻過門成婚張二與張二禿子等會遇張二道及劉氏前夫繼故卽行改嫁定非良婦起意搶賣衆各允從同往將劉氏搶走該省將武開忠張二禿子等均照聚衆夥謀搶奪犯姦婦

女已成爲從例擬以滿流檢查本年六月間山東省
咨張彬等聽從逸犯張令糾搶李氏一案李氏於道
光三年二月間前夫董貞物故經伊父李成祥主婚
改嫁與孫榮爲妻定於三月十八日過門至期央王
京等送李氏赴孫榮家張令見男女同行疑爲來歷
不明起意搶奪糾允張彬等將李氏搶回該省以李
氏甫居夫喪旣非例得改嫁難與良婦同論第李氏
被搶之時尙未失身旣未便加以犯姦之名將聽從
幫搶之張彬等比依聚眾夥謀搶奪與販婦女已成

爲從擬軍咨結在案今劉氏紀氏均係居喪改嫁按
一律應行離異且夫亡未久卽甘心改嫁業已過門成
婚實屬失節之婦核與李氏甫經在途尙未成婚之
案不同該官將爲從擬搶各犯比依聚眾夥搶犯姦
婦女已成爲從擬流尙屬允協應請照覆

道光六年
說帖

拾后喪改嫁已
成婚之婦擬軍

山東司 此案扈振興因魏氏之夫侯可與伊素相
交好侯可於道光七年五月間病故魏氏卽於是年
十月間憑媒改嫁與王得正爲妻該犯因魏氏夫喪
未滿不應改嫁心懷不服起意糾同孫添才等將魏
氏搶出希圖嫁賣旋被緝獲該撫以魏氏夫喪未及
半載輒行改嫁難與良婦並論未便科扈振興以鬪
搶良家婦女之罪而魏氏雖已改嫁失身究與犯姦
婦女不同又未便將該犯等照強搶犯姦婦女之例
問擬律例並無治罪專條可否比照與販婦女例將

扈振興問擬絞候抑或如何酌減之處咨部示遵等
因查糾搶與販婦女罪應擬絞而糾搶犯販婦女罪
止擬軍者蓋因被搶之婦女有失身不失身之分故
糾搶之罪名亦異至糾搶居喪改嫁婦女例內雖無
作何治罪明文惟市爲未亡之人遽作新婚之婦其
情事雖與犯姦不同其失身實與犯姦無異是以從
前辦理搶奪居喪改嫁婦女成案除婦女尙未過門
成婚者酌照搶奪與販婦女例定斷外其業已過門
成婚者俱係比照搶奪與犯姦婦女之例問擬並無歧

夥搶犯姦婦女
誤搶良婦嫁賣

誤今雇振興因魏氏夫妻不滿輒行改嫁起意糾眾
搶奪希圖嫁賣檢閱該撫原咨內稱魏氏業已改嫁
失身自應仿照從前成案將雇振興等比依搶奪犯
姦婦女例分別首從科斷應令該撫按例妥擬

道光十三年說帖

江西撫 咨張文佩因聞陶和茂家窩頓閑勝齋與
販犯姦之婦葉氏該犯起意糾同李坤等搶奪以致
誤將陶和茂之妻喻氏一併搶獲後因喻氏哭訴始
知誤搶輒用言嚇禁強逼嫁賣查葉氏係被販賣之

強搶由伊翁士
所改嫁之婦婦

婦而喻氏不得因其夫寓留與販謂非良婦第該犯
等究係誤搶應將張文佩比照誘拐婦女典賣與人
爲妻被誘之人不知情例擬絞監候李坤等照爲從
減一等滿流 嘉慶二十三年案

山東司 查例載聚眾夥謀於素無瓜葛之家入室
搶奪婦女無論曾否媒說一經搶獲出門卽屬已成
審實不分得財與未得財爲首者斬立決爲從皆絞
監候等語此案李石頭子因斬氏夫故孀守其翁師
世蘭欲令改嫁斬氏亦屬情願託人媒說賣與張義

子爲妻正欲成交經靳氏之父靳台查知令其圖財將
靳氏接回囑允伊戚王代子代爲找主價銀即將
靳氏送至王代子家寄住李石頭子因見王代子家
有婦女疑係來歷不明起意搶賣隨糾同徐黑子張
良子李孝子趙五子幫搶夜抵王代子門首敲門進
內將靳氏搶出輪流背回旄被拿獲該撫以靳氏夫
喪未滿卽欲改嫁與良婦不同將李石頭子比依聚
衆夥謀搶奪與販婦女已成爲首例擬絞監候徐黑
子等擬軍等因具題

臣

等查靳氏因夫故孀守始則

其翁師世蘭主令改適繼則其父斯合接回圖嫁本
有不得不從之勢並非斯氏不安於室況該犯聚眾
強搶之時斯氏尙未失身自應仍以良婦論至王代
子雖係舊匪而斯氏係其表親在彼居住亦屬戚誼
來往之常與已經賣身與人與販者迥別且查斯合
如果意圖財禮何不向師世蘭商分賣價而必欲接
回另嫁師世蘭係例得主婚之人何以肯聽斯合阻
撓張義子既圖買未成迨後經官諭令斯氏不許改
嫁何以仍敢買娶恐係因張義子買娶於後遂添指

搶奪居喪改嫁
成婚之婦姦汚

師世蘭價賣在先以爲斬氏本非良婦之據再此案
僅據李石頭子等供稱一同進門並輪流背負究竟
何人入室何人輪背原題亦未聲敘明晰該撫於屢
弱窮難則嚴誅心之律而於強搶兇犯轉寬駢首之
誅罪名出入甚鉅案情疑竇多端應令研訊確情按
例妥擬

道光十年說帖

吉林將軍 咨劉文魁糾搶郭丁氏姦汚一案此案
劉文魁因知于功佩之子于太於道光六年二月間
病故遺妻丁氏欲娶爲妻因聞于功佩索身價二百

吊劉文魁乏錢致未媒說五月初四日于功佩商允其媳丁氏情願改適邀同氏父丁士滢主婚煩媒徐幅祥將丁氏許給郭起爲妻是月初六日迎娶過門成婚初七日劉文魁探知丁氏已經郭起買娶起意將丁氏搶回爲妻商允伊兄劉文彬劉文會及素識之孫華同往幫搶復慮人少恐有攔阻捏稱煩媒娶定丁氏爲妻因被郭起娶去約衆找向郭起不依添邀劉文桂等十五人攜帶器械趕車齊抵郭起門首囑令劉文會等在外等候自與劉文彬孫華走入郭

起院內維時丁氏一人在屋劉文魁卽上前抱住丁氏上身囑令劉文彬孫華抱起下身將丁氏搶出劉文桂等一見劉文魁將丁氏搶出卽各畏懼跑回劉文魁等將丁氏放入車上至家劉文魁卽將丁氏囑逼姦污該將軍將劉文魁依聚衆夥謀於素無瓜葛之家入室搶奪婦女已成爲首例擬斬立決劉文彬孫華聽從入室架搶均依爲從例擬絞監候劉文桂等擬以徒杖等因查劉文魁強搶再醮之婦丁氏已成丁氏於道光六年二月夫故於五月卽聽從翁父

主婚改嫁郭起爲妻居喪未及半載卽行改適係屬
違例改嫁之婦與良婦不同核與上年江蘇等省武
開忠等各成案相符惟丁氏已被劉文魁嚇逼姦污
若僅比照強搶犯姦婦女已成例擬軍未免輕縱自
應酌量將劉文魁比照搶奪與販婦女已成例定擬
該將軍將劉文魁等依聚眾夥謀搶奪良家妻女例
分別首從擬以斬決絞候並將丁氏仍行斷歸郭起
領回於居喪改嫁罪坐主婚及應行離異各條俱置
不議殊屬錯誤應令該將軍另行照例妥擬

道光七年奉天司說帖

典媒強贅婦婦
不從強行姦涉

江南道御史 奏強娶婦婦不從糾眾登門強行姦
污之案請定專例一摺查律載聚強勢力之人強奪
良家妻女姦占爲妻妾者絞監候又例載強奪良家
妻女姦占爲從之犯照爲首減一等杖一百流三千
里又惡徒夥眾將良人子弟搶去強行姦姦者爲首
擬斬立決爲從同姦者擬絞監候又聚眾夥謀搶奪
路行婦女爲妻妾者爲首擬斬立決爲從擬絞監候
各等語又嘉慶六年七月臣部議覆安徽按察使恩

長條奏匪徒聚眾於素無瓜葛之家宵夜糾搶入室
搶奪婦女卽照搶奪路行婦女例分別首從問擬斬
絞等因奏准在案恭觀各例搶奪婦女爲首斬決爲
從絞候強占妻女者爲首絞候爲從滿流罪名輕重
迴殊總以平空夥搶者爲重蓋不法匪徒因猝見婦
女平空夥衆搶去無論在室在路均情同光棍故卽
照光棍例分別擬以斬決絞候若素有瓜葛或先經
央媒說合因其不允夥同強奪姦占則事出有因較
之猝見婦女平空夥衆搶情同光棍者有間應依強奪

姦占本律定擬_臣部向於此等案件均係如此區別
辦理今據該御史奏稱浙江省秋審冊內吳阿備圖
娶未允聚眾強姦婦婦俞徐氏一案該撫以例無專
條比照強奪良家妻女姦占爲妻爰律擬絞監候入
於秋審情實業經擬結毋庸議外詳究例義吳阿備
因貪俞徐氏遺產圖娶爲妻旋即聚眾上門幫同捆
縛強行姦污奪之而走竄屬光棍匪徒律以光棍爲
首之條亦罪所當得不應止與強奪姦占者同科卽
吳咸喜吳緝喜幫同綁縛婦女亦與幫同扛擡之人

罪爲較重請

勅部嚴立專條等語

臣

等查吳阿備因貪產圖營業已央

媒往說在先因未應允卽以強贅之言嚇唬俞徐氏
恐該犯果往強贅意欲遷居該犯聞知始卽起意強
姦逼令招贅隨邀吳咸喜等同往幫護該犯將俞徐
氏強行姦污聞拿背走是該犯先經央媒往說未允
始糾衆前往強贅與平空夥搶者已屬迥殊雖當俞
徐氏出房喊罵之時夥犯吳咸喜吳紹喜用繩縛住
兩手拉至牀上走出門外把護該犯卽將俞徐氏搶

按強姦視他案扛扛擡回嚇造成姦或哄誘成姦者
不無稍異惟強姦者僅止該犯吳阿備一人被糾之
人並未隨同行姦不得卽按輪姦之例均照光棍首
從斬絞辦理其當時強逼成姦與奪回強逼成姦先
後雖殊而姦占則一至其將徐氏背走之時各犯均
已聞拿逃逸又與夥衆搶奪者不同總之該犯圖賚
不允而起意強姦因起意強姦而邀人幫護其先旣
有媒人嚇唬之言其後並無夥衆輪姦之事該撫將
吳阿備依強奪良家妻女姦占爲妻妾律擬絞係屬

按律問擬並非例無正條比照科斷若如該御史所
奏此等案情卽照光棍例定擬則素無瓜葛平空夥
搶及首從輪姦之案又當何以加重該御史又牽引
搶奪良家子弟强行雞姦者卽照光棍爲首擬斬立
決謂與此等案情脗合不知夥搶良人子弟雞姦首
從均照光棍定擬亦深指輪姦而言例又各有攸歸
未便撫拾牽混除原定絞候擬以情實之吳阿備一
犯業已入冊候

外所有該御史奏請定立專條之處應毋庸議

嚇逼本夫休妻
乘機聘娶為媳

嘉慶八年浙江司說帖○此等案情必實有威龍
方與現行例相符錄以備考

直隸司 查上年八月湖南省咨謝元與王九萬之
妻李氏通姦商同氏父李紹周逼令本夫休棄娶討
為妻一案該撫將謝元依用計逼勒本夫休棄律擬
杖六十徒一年經本部以該犯倚恃縣役戀姦謀娶
逼勒退婚情同姦占駁令另擬嗣據改照棍徒擾害
例擬軍咨部覆准在案此案趙端士因見胡任氏被
夫賣逐回家起意乘機謀娶給伊子趙伯麟為妾商
同曹之鏗等將胡有義喚至令其休妻不允該犯即

夫商同氏母
強逼本夫休妻

以告官之言恐嚇並起休書稿底逼令騰寫胡有義
畏強照寫嗣赴學院衙門具控又被該犯跪令孫精
一攔回該犯見事已寢息往向氏母任陳氏說允聘
娶任氏與趙伯勝成婚核其情節與謝元情罪相等
該省將趙端士照棍徒擬軍似可照覆

乾隆五十八
年說帖

願尹 咨鄭陳氏聽從張俊保強逼伊婿休女改嫁
一案查張俊保因與鄭氏調戲成姦本夫張孝並不
知情張俊保意圖謀娶鄭氏爲妻許給鄭氏之母鄭
陳氏財禮囑令轉向張孝相商休妻改嫁鄭陳氏貪

利允從張俊保卽免胡老黑等爲媒送給財禮錢文
鄭陳氏囑伊子鄭長明寫就休書向張孝捏稱鄭氏
患病誑令張孝至家鄭長明母子逼勒張孝休妻不
允鄭長明拴住張孝手脚塗墨按印休書而散張俊
保迎娶鄭氏成婚比張孝邀同賀宗孝等同赴鄭長
明家理論鄭陳氏不服爭吵張俊保聽聞趕往將賀
宗孝揪扭被張孝用棍毆傷將鄭氏拉回鄭陳氏控
縣審悉前情查張俊保因與張孝之妻鄭氏通姦意
圖謀娶爲妻用財商同其母鄭陳氏逼令張孝休棄

迎娶成婚實與和誘無異該府尹將該犯依和誘擬
軍鄭氏依被誘擬徒情罪尙屬允協至鄭陳氏貪圖
財禮聽從姦夫囑令伊子鄭長明寫就休書哄誘伊
婿張孝至家逼令休棄不允將張孝手脚按住塗墨
按印實屬義絕應同凡論該府尹將鄭陳氏照不應
重杖未免輕縱卽改照逐婿嫁女亦罪止滿杖鄭陳
氏應以爲從論於張俊保軍罪上減一等擬徒奉

批此係設法圖占等因

職

等復查張俊保因與鄭氏通

姦圖謀爲妻許給其母鄭陳氏財禮囑令轉向張孝

相商休棄正與用計逼勒本夫休棄無異按例罪止
杖徒似未便卽坐該犯以姦占之罪惟該犯本係姦
淫罪人輒敢許給財禮商同鄭陳氏勒令本夫休棄
致鄭陳氏令伊子鄭長明寫就休書將張孝哄至家
內逼令休棄不允揜住其手脚墨按印該犯卽迎
娶鄭氏成婚旋因張孝邀同賀宗孝等趕至理論該
犯復敢將賀宗孝揪扭雖係一時一事而情勢實屬
兇惡應將張俊保改照兇惡棍徒生事擾害例發極
邊足四千里充軍照例刺字鄭陳氏亦照棍徒爲從

受人臨終寄託
魏復姦占其妻

魏通婦女成姦
強留家內姦宿

減一等擬以滿徒係婦人照例收贖鄭氏等均應如

該府尹所擬辦理鄭長明緝獲另結

嘉慶十九年直隸司說帖

南城察院

移送李二因與張邢氏故夫張幅素好

張幅臨死時囑其照應家務該犯隨與其妻張邢氏

通姦復捏稱張邢氏係坐產招夫與張邢氏儼成夫

婦情殊可惡將李二比照強奪良家妻女姦占律量

減一等擬以滿流

嘉慶十九年福建司現審案

陝西司

查馬老五因劉麻子外出傭工伊妻魏氏

獨處先經嚇逼成姦帶至伊家姦宿復將魏氏倒塌

房屋拆去修葺鋪面劉麻子回家問知畏兇未控追
該犯疊次訛詐經州差拿該犯拒傷差役復被拿獲
劉麻子始行呈控魏氏亦跑走回家核其情節馬老
五始則欺陵孤身婦女嚇逼成姦繼復領至伊家姦
宿又拆其房屋卽屬強奪且本夫劉麻子回家時該
犯留住魏氏在家並未送還直至該犯被獲解案魏
氏始行跑回如謂只圖姦宿並無強占情事殊難憑
信該督遵依棍徒定擬殊未允協咨駁另擬去後茲
據該督疏稱查強奪良家妻女姦占之律誠以重在

拔刀匪徒姦占
良婦情節兇橫

強奪二字前因犯供只圖姦宿並無占爲妻妾情事
是以僅照棍徒加拒捕罪改發爲奴今既據供認姦
占屬實未便因其尙未作爲妻妾稍從寬減且奉部
指明該犯始則將孤身婦女嚇逼成姦繼復領至伊
家姦宿又拆去房屋卽屬強奪自應遵駁改擬等因
具題應如所題馬老五應改依強奪良家妻女姦占
爲妻妾律擬絞監候
嘉慶十二年題准案○照駁案
新編錄
東撫 題田二與父田坤弟田三均係拔刀匪徒素
行兇橫鄉鄰側目嘉慶七年間有王振海之妻謝氏

被李麻姦拐無蹤央懇田坤訪知下落同子田二田
三並王振海往將謝氏搜獲田二卽帶回姦宿並欲
留占爲妻商經伊父田坤强給京錢五千逼令王振
海賣休王振海畏强勉從追後不甘欲控田坤將謝
氏放回田二揚言欲將王振海殺死王振海恐遭毒
手將謝氏送還母家自己卽爲道士嗣田二知鄰莊
朱漢清之妻張氏少艾圖搶爲妻未得其便旋見張
氏在莊前獨自碾米田二卽拔腰間掖刀向其嚇禁
不許聲張强拉至家嚇逼姦污張氏伺田二外出向

田坤懇求釋放回家田二外歸恐朱漢清控告冀圖
先發制人邀同田三趕往賴稱張氏自己逃走經伊
留養數日若無謝禮卽應還人朱漢清懼其刁惡給
與牛隻錢文而息田三亦於是年因知莊驢之妻王
氏曾與姚松有姦欺莊驢懦弱持刀走往將王氏挾
制成姦復用京錢七吊逼勒莊驢賣休將王氏買爲
妻妾旋被訪獲查田二先將逃婦謝氏霸留逼休致
其夫休妻出家繼將良婦朱張氏強搶姦污復訛詐
本夫錢物實屬淫惡將田二依律擬絞監候田坤田

三照棍徒擬軍李麻依和誘擬軍謝氏被誘擬徒莊
王氏桃松俱科姦罪等因嘉慶十年四月初九日奉
旨此案田二與父田坤弟田三係掖刀匪徒田二先將犯
姦之王謝氏姦宿逼令其夫王振海賣休留占爲妻經
伊父田坤放還田二復聲言欲將王振海殺死以致王
振海畏懼棄家充當道士田二又因鄰村朱漢清之妻
張氏少女圖搶爲妻見張氏獨處卽拔刀嚇禁強搶姦
污轉向朱漢清嚇詐牛隻錢文刑部等衙門照依豪勢
之人強奪良家妻女姦占爲妻妾律將田二擬絞監候

係妻改嫁因短
身價糾眾搶回

尚覺情浮於法田二一家父子兄弟均係拔刀匪徒平日行兇生事擾害良民本有應得之罪田二復疊逞淫兇種種不法情罪尤重將來辦理秋審時亦必予勾田一二著改爲絞立決嗣後除尋常強奪良家妻女姦占爲妻妾者仍依本律定擬外如有似此拔刀匪徒行兇強橫姦占良家婦女者均著照此案辦理餘依議欽此

通
晉撫 咨聞恭將妻閻氏休回母家得受妻母閻楊氏銀兩爲立休書知閻氏改嫁與王貴璉爲妻輒因往找財禮不給糾邀高富貴等將閻氏強搶並拒捕

毆傷王貴璉惟王貴璉先將財禮如數付給而閻恭
究因誤信閻楊氏捏稱王貴璉財禮未經給足所致
且搶回之後並未與閻氏姦宿但既經休回先得銀
兩閻氏卽不得謂該犯之妻應比照強奪良家妻女
尚未姦汚照已被姦占律減一等擬流例上量減一
等漏徒加拒捕罪二等杖一百流二千五百里高竈
貴被脅聽從幫搶應照搶奪婦女爲從者如被通誘
隨行止於幫同扛擡照不應重律杖八十例量減一
等擬杖七十 嘉慶二十年案

明知夥搶犯姦之婦故買作妾

夥搶被姦男子已成旋被奪回

東撫 咨石小嘴等聽從夥搶曾經犯姦之王祝氏

賣與沙棕幅為妾沙棕幅知情故買除石小嘴依例

擬流外將沙棕幅比照夥搶路行婦女知情故買者

減正犯罪一等例擬杖一百徒三年

嘉慶二十二年案

東撫 咨趙二糾搶犯姦幼童王小已成一案奉

諭查案比核

職

等查搶奪良家子弟與搶奪曾經犯姦

之幼童例無比照搶奪良家婦女與曾經犯姦婦女

治罪明文詳細檢查亦無似此辦過成案竊思搶奪

必有所由而罪名即因之以定如因圖姦而搶則有

將良人子弟搶去強行雞姦首犯斬決從犯絞候之
條如因勒贖而搶則有捉人勒贖初犯斬候再犯斬
決之條如因圖賣而搶在雲貴四川則有捆擄子女
販賣分別斬決斬候之條若係他省民人買賣者例
無子文之分則搶賣良人子弟者亦當與婦女並論
至搶奪曾經犯姦幼童雖無專條可引特和同雞姦
定例與姦婦女者同罪卽強姦和姦幼童亦與強姦
和姦幼女者同科則搶奪犯姦之幼童自可比照搶
奪曾經犯姦婦女例擬斷細繹例內搶奪曾經犯姦

婦女句似指婦女曾與別人通姦該犯因而搶奪者
而言若本犯先與婦女通姦後復糾人夥搶與例意
不甚恰合惟檢查嘉慶二十二年河南省咨周家恒
糾搶犯姦之婦周氏一案該犯先與周氏通姦因周
氏改嫁隨糾衆將其搶奪該省將周家恒依聚衆夥
謀搶奪犯姦婦女本例擬軍經本部照覆在案此案
趙二先今年已十三之王小隨同討乞與之姦姦王
小不願卽逃依王立業爲義子該犯氣忿糾同國成
元等將王小搶出旋被奪回是該犯搶奪曾與姦姦

竊姦搶奪犯姦
年甫十二優伶

之幼童固未便照搶奪良家子弟強行姦姦例擬以
駢首其因被姦之人逃走氣忿糾搶亦與捉人勒贖
及擄人販賣之案迥別惟例內雖姦十三歲以上之
幼童既與和姦婦女罪名無分軒輊而婦女先姦後
搶卽照搶奪曾經犯姦婦女辦理亦有辦過成案該
省將趙二依搶奪曾經犯姦婦女例擬軍國成元等
分別擬以流徒再四商酌似亦祇可照覆
嘉慶二十三年說帖
江督 奏王忠貴因在家演戲將戲旦蘇翠林姦姦
復率衆在途將蘇翠林搶奪蘇翠林年止十一惟係

救援遭風船隻
遇害婦女索謝

優伶下賤且被人姦宿在先若於和姦幼童絞罪上
量減一等罪止擬流應從重將王忠貴比照強搶犯
姦婦女已成首犯發烟瘴充軍

道光二年案

北撫 咨萬明翠因劉大昇行船遭風喊令救援許
給謝資嗣劉大昇等給錢過少該犯索錢未遂起意
將婦女奪留墓園多增錢文該省將萬明翠依行船
遭風乘時搶奪財物本律定擬經本部以萬明翠奪
留婦女墓園多增謝資並未搶奪財物自應照搶奪
婦女本例核其情節輕重酌量定擬等因咨駁旋將

卑幼強搶婦女
配與尊長爲妻

萬明學改依強奪良人妻女賣與他人爲妻妾絞候
上量減一等擬以滿流 嘉慶二十二年案

河撫 題邵梅卜強搶蔣王氏與伊兄邵吉卜爲妻
一案查例載搶奪婦女若於素有瓜葛之家允經媒
說未允因而糾衆強搶者仍按強奪姦占已未成本
律例科斷又律載強奪良家妻女姦占爲妻妾者絞
監候配與弟姪者罪亦如之所配男女不坐各等語
至卑幼搶奪婦女配與尊長爲妻律例內並無明文
歷年亦無辦過此等成案推原定例之義如搶奪婦

女配與尊長爲妻斷無不先向尊長商允卽行往搶之理尊長於卑幼向商時一經允許按一家共犯律卽應坐尊長以爲首之罪引斷既有依據故例文不必牽及非里漏也此案邵梅卜欲將蔣王氏給伊兄邵吉卜爲妻邵吉卜於說媒時雖屬知情迨蔣王氏夫兄嫌所許財禮錢文較少未允邵吉卜卽行外出傭工而周會遠旋欲娶蔣王氏爲妻邵梅卜慮被爭娶起意將蔣王氏強搶至家邵吉卜外歸始行知悉因蔣王氏情願婚配卽與成婚是邵梅卜強搶時邵

吉祿並不知情與一家其犯罪坐尊長之律不符自
不能不坐邵梅卜以爲首之罪現在詳核情罪雖與
自爲妻妾及配與弟姪不同惟強奪婦女重在姦污
若業已成婚在被搶者之失節旣無二致則搶奪者
之罪名亦應同科該省將邵梅卜比例問擬絞候尙
屬分協至邵吉卜雖未主使強搶惟該犯係邵梅卜
之兄於邵梅卜將伊喚回旣知將王氏係屬強搶乃
並不送回輒與蔣王氏成婚查律稱弟姪不坐誠以
尊長有專制之義故不坐卑幼之罪今邵吉卜旣係

父悔親屬之女
其子乘空姦污

祁梅卜之兄自不得仍照弟姪律不坐該省將該犯
於強奪良家妻女姦占從犯流罪上量減擬徒亦尙
平允應均請照覆 道光三年說帖

雲南司 查例載於素有瓜葛之家先經媒說未允
糾眾強搶者仍按強奪姦占已未成本律例科斷又
律載強奪良家妻女姦占爲妻妾者絞監候配與子
孫者罪歸所主亦如之所配男女不坐仍離異又一
家人共犯侵損於人者以凡人首從論又例載強奪
良家妻女尙未姦污者照已被姦占律減一等處擬

各等語此案劉連生因與龔偉沅誼屬姻親伊父劉三長子欲娶龔偉沅之女龔三妹與伊爲妻先經媒說未允輒起意糾人將龔三妹強搶回家因龔三妹哭泣不依劉三長子令妻伴宿欲俟其媒言明擇期完配嗣劉連生見伊父劉三長子等外出將龔三妹強逼姦污是起意糾搶雖由伊父劉三長子所主惟劉三長子並未遵令該犯成婚儻該犯不行姦污則劉三長子應照強搶妻女尙未姦污之例減等擬流自未便坐劉三長子以絞候之條轉使不聽教令強

糾眾搶奪婦女
首夥共向姦污

逼姦污之犯得邀寬減應以劉連生當其重罪應如
所題劉連生應照強奪良家妻女姦占爲妻妾律擬
絞監候劉三長子獲日另結

道光十年說帖

山東司 查夥眾搶奪婦女之案如果止圖嫁賣迫
搶獲之後偶因見色而起淫心各以刁誘成姦固應
祇以搶奪首從分別定擬儻搶奪後另有同時逞強
毆逼肆淫情狀卽當嚴究輪姦之時係何人起意如
係搶奪從犯起意卽應將該犯另以輪姦爲首定擬
情罪既各有不同引斷自無容牽混此案據該撫疏

稱宋年聽從先獲正法之周化南搶奪田張氏賣錢
分川共夥八人周化南同林春義並該犯入房將田
張氏赤身搶出並攜帶田張氏褲褂逃至漫地令田
張氏穿上送至沈四大漢家寄住林春義等均各回
家周化南與該犯將田張氏輪流姦污居住兩日旋
經周化南將田張氏嫁賣得錢分用先後拿獲周化
南等分別奏咨完結茲續獲宋年審供不諱將該犯
依聚眾夥謀入室搶奪婦女爲從例擬絞監候並聲
明事犯在嘉慶二十五年八月二十七日

恩詔以前係聽從搶奪婦女已成復又輪姦情節較重應
旨援免聽候部議等因具題臣等細核案情如宋年
僅止聽從周化南夥搶田張氏嫁賣迨見周化南與
田張氏通姦因而挾制刁姦尙無兇暴情節是應止
科以搶奪婦女爲從之罪儻輪姦之時係該犯起意
另有逞強毆逼同時肆淫情狀卽當科該犯以輪姦
爲首之罪未便籠統其詞僅擬絞候完結乃檢查全
案供招止有周化南與宋年將田張氏輪流姦污一
語並未將是否同時肆淫並有無逞兇毆逼情狀及

首夥二人搶奪
路行婦女姦污

何人首先起意姦污之處詳確聲敘殊屬含混臣部
擬難核覆應令該撫之細研究確情另行具題

道光元年說帖

蘇撫 咨劉曾等各糾搶路行婦女李曹氏等欲圖
嫁賣先後將氏姦污一案查例載聚眾夥謀搶奪路
行婦女或賣或自為妻妾奴婢及被姦污者為首斬
立決為從皆絞監候其有並非夥眾但強賣與人為
妻妾者擬絞監候又律載稱眾三人以上各等語詳
釋例內所載首犯擬斬從犯皆絞係專指夥謀在三

人以上聚眾搶奪者而言至首犯問擬絞候係指二人以下並未聚眾者而言是此條例文所分在聚眾與否其並非夥眾以下雖僅稱強賣與人爲妻妾並無爲奴婢及被姦汚字樣而被搶之婦已被姦汚與實爲妻妾者同一失節且首犯擬絞之例係承上聯屬而下如有並非夥眾強搶姦汚之案自亦應按律擬絞再查律載豪強勢力之人強奪良家妻女姦占爲妻妾者絞監候例載強奪良人妻女賣與他人爲妻妾者亦擬絞監候比類參觀則自行姦汚與賣爲

妻妾者應一例擬絞尤可概見此案劉會見李曹氏
獨自行走起意搶奪糾允龐四海將李曹氏搶獲因
無娶主該二犯與該氏先後行姦又任廣太見屈氏
獨自行走起意搶賣糾允劉四將屈氏搶獲該二犯
先後與屈氏行姦該省以該犯等各將被搶之婦姦
污應否比照並非聚眾例分擬絞候滿流抑或比照
夥眾搶奪及被姦汚例定擬咨請部示查劉會糾允
龐四海搶奪曹氏圖賣在廣太糾允劉四搶奪屈氏
圖賣該犯等係各自糾搶首夥僅止二人並非聚眾

夥搶婦女雖未
姦污應擬斬絞

其將該氏等先後姦污與賣為妻妾同一失節自應

卽照並未夥眾之例問擬行令該省分別首從擬以

絞候滿流

道光二年說帖○嗣於三年照擬題結

奉天司 查律載強奪良家妻女姦占為妻妾者絞

監候又例載強奪良家妻女尙未姦污者照已被姦

占律減一等又聚眾夥謀於素無瓜葛之家入室搶

奪婦女無論曾否媒說一經搶獲出門卽屬已成審

實不分得財與未得財為首者斬立決為從者皆絞

監候若於素有瓜葛之家必實有戚誼者方以瓜葛

論先經媒說未允因而糾眾強搶者仍按強奪姦占
已未成本律例科斷各等語細繹例意強姦良家妻
女則應分別已未姦污擬以絞流至聚眾於素無瓜
葛之家入室搶奪婦女例內明言一經搶獲出門卽
屬已成並不論其曾否姦占首從概行依例問擬斬
絞是聚眾與不聚眾罪名輕重懸殊引斷不容牽混
此案馮十因妻故欲行繼娶逸張光頭餅子媒說張
光頭餅子以路祥族弟婦路程氏係屬婦婦商將路
祥邀至媒說路祥以路程氏並無改嫁之言馮十起

意搶奪爲妻商令路祥等同去許謝錢文並逼令雇
工焦洪林趕車郭係執持燈籠馮十腰掖順刀同路
祥等同抵路程氏門首馮十令路祥在外等候卽持
燈籠進院踢開房門進屋用手揪住路程氏頭髮往
外拖拉路程氏喊嚷其姑路趙氏攔阻被馮十用脚
踢跌倒地將路程氏拉出路祥等攙擡車上拉至家
中尙未姦污旋被拿獲查馮十因妻故欲行續娶輒
起意糾搶路程氏爲妻共夥五人當夜排闥直入將
路程氏搶獲拉至家中雖未姦占第首夥已在三人

以上實屬聚眾按例一經搶獲出門卽屬已成該犯
罪應斬決其聽從幫搶之路祥等均應依例擬絞乃
該侍郎將該犯馮十依強奪良家妻女尙未姦污照
已被姦占律減等擬流從重照兇惡棍徒例擬軍路
祥等擬徒是將聚眾搶奪婦女之案而引非聚眾強
奪之律首從罪名出入甚鉅本部未便牽覆惟馮十
與路祥程氏究竟有無瓜葛及會否媒說在先該侍
郎亦未詳細訊明應令研訊確情按例妥擬

道光九年
說帖

安徽司 查例載聚眾夥謀搶奪路行婦女或賣或

白爲妻妾奴婢及被姦污者並聚衆夥謀於素無瓜葛之家入室搶奪婦女一經搶獲出門卽屬已成審實不分得財與未得財爲首斬立決爲從皆絞監候等語此案王効參因監斃之韓海見路過車上姬焦氏打扮詫異疑係稍販起意糾允該犯並在逃之余奉奇等一其四人韓海將姬焦氏拉出車外架走當經官兵拿獲該省以該犯等夥搶路行婦女業已出市似應照已成定擬惟例內既有或賣或自爲妻妾及婢及被姦污者數語則已經搶獲而尙未嫁賣未

爲妻妾未被姦污之案若竟照已成科斷又似無區別應請部示等因查聚衆搶奪路行婦女例內雖有或竄或自爲妻妾奴婢及被姦污之語究無未賣未爲妻妾奴婢及未被姦污准其減等明文則遇有搶獲拉走旋被拿獲者自未便照未成問擬致與定例不符且查在途搶奪婦女與入室搶奪婦女情事雖有不同強暴則無二致比例參觀斷無入室搶奪出門後卽屬已成在途搶奪拉走後猶得未減之理檢查本部向來辦理聚衆搶奪路行婦女業經拉走者

從夥搶婦女
時畏懼逃回

雖當時被獲俱照已成科斷所有王効參一案自應
畫一辦理應令按例擬
道光十二年說帖

東撫 題姜興旺糾搶良婦郭張氏已成一案查例
載聚眾夥謀搶奪路行婦女為首者斬立決一從者
皆絞監候又聚眾夥謀搶奪犯姦婦女已成首犯發
雲貴兩廣烟瘴充軍為從幫搶者杖一百流三千里
同謀未經同搶之犯杖一百徒三年各等語詳經夥
眾搶奪良婦為從擬絞之條係指幫同強搶及雖未
幫搶而在場助勢或幫同架送而言其同謀未經同

三、强占良家妻女

父子同犯照例加一等發附近充軍又十八年安徽
省題秦廣糾邀張狗等強搶王姜氏已成一案查張
狗因畏秦廣兇橫聽從隨行當秦廣強搶之時欲行
跑走被秦廣喝住始幫同架送委係嚇逼允從於爲
從絞罪上量減擬流各在案此案姜興旺糾同趙魁
並張玉起等強搶良婦郭張氏該犯張玉起唐四閏
方仁季麻子等臨時畏懼逃回並未同搶查張玉起
等僅止同謀委無幫搶情事若將該犯等仍照爲從
例問擬絞候未免與幫搶者無所區別從前安徽省

嚇逼勉從代為
媒說幫同架拉

張狗被逼勉從架送並牛學貢臨時逃回各案均於
為從絞罪上減一等問擬細核此案情節張玉起等
臨時畏懼逃回較張狗之案情節更輕與牛學貢之
案事同一轍自應減等問擬該省將張王起等均於
為從絞罪上量減一等擬以滿流似應照覆
道光四年說帖
安撫題奏廣欲娶王攬之妻姜氏為妾邀張狗等
媒說不允起意強搶張狗等跑出秦廣喝住不許走
開秦廣將姜氏拉走嚇逼張狗等架送回家將秦廣
依先經媒說未允因而糾搶仍照強奪良家妻女姦

占爲妻妾律擬絞監候本部以姜氏本係有夫之婦
並非待聘之人秦廣還欲買娶爲妾遣人說媒核與
以禮求婚者迥不相同駁令改擬將秦廣改照聚眾
夥謀於素無瓜葛之家入室搶奪婦女已成爲首例
擬斬立決張狗先代秦廣媒說係因畏兇不敢推辭
及見秦廣欲行強搶當卽跑走被其喝住追後幫同
架送亦因被秦廣嚇逼允從改照聚眾夥謀搶奪婦
女已成爲從絞候例量減一等滿流
嘉慶十八年案

河撫 題陳煥章聽從在逃之韓長夥搶奪陸氏嫁

賈劉松齋知情說合一案查畧人等賣人律載買者
知情與犯人同罪牙保各減犯人一等又與犯人同
罪句下註云至死減一等等語所稱與犯人同罪者
謂與罪不至死之正犯同罪也若正犯罪應至死則
買主得減一等所稱牙保各減犯人一等者謂減正
犯罪一等非於買主罪上減等也此無論正犯之罪
是否至死均止減一等故有正犯罪應至死而知情
買主減等擬流牙保照律減等亦應擬流者此乃買
主之罪律不得入於死故由重減輕而牙保之罪不

能因此再減其不嫌於與買主同罪者猶之嫁娶違
律事由主婚主婚爲首男女爲從得減一等若違律
嫁娶之罪至死者主婚人雖爲首不入於死得並減
一等男女爲從亦擬滿流不得於主婚人流罪上再
減是也此案劉松齋明知陸氏係韓長等強搶之婦
圖分財禮代爲說賣與畧誘案內牙保無異該省既
引畧賣人牙保減犯人罪一等律自應於首犯韓長
應得死罪上減一等擬流乃將該犯於知情故買流
罪上減等擬徒實屬錯誤該司援律改擬滿流洵屬

允協應請照辦至陳煥章一犯聽從在逃之韓長聚
衆七人夥搶素無瓜葛之蔡陸氏已成該省依夥搶
婦女已成爲從例絞候並將同謀未經同行事後亦
未分贓之陳三左振祺二犯比照其謀爲盜臨時因
別故不行事後不分贓例杖一百徒三年均屬允當
應請照覆

嘉慶二十一年說帖

聽從夥搶婦女
至期因病不行

廣西撫 題龍學裡聽糾強搶婦女至期因病未往
經首犯夥衆搶獲婦女尙未嫁賣卽被拿獲將龍學
裡比照其謀爲盜因病不行事後不分贓例杖一百

殺父逼脅中途
逃回事後隨行

徒三年 道光元年案

安撫 題吳三等夥搶陳董氏已成一案查吳三起
意糾搶董氏嫁賣與張文華等商允張文華又令其
子張六仔同往張六仔不從張文華欲毆逼脅同行
一其六人前往行至中途張六仔畏懼退後不行吳
三等行抵董氏莊上等候張六仔不至卽動手打門
進內搶出董氏擁護而行途遇張六仔一同跟走因
人衆恐人生疑各犯俱散惟張文華張六仔父子將
董氏帶赴周六店內投寓周六聞知情由欲投保報

明知夥搶婦女
圖利窩留

官張文華懇勿聲張許以贖後分錢周六貪利依允
尚未賣去即破拿獲該省將爲首之吳三依例擬斬
立決爲從之張文華等擬絞監候周六圖利將張文
華等窩留依知情藏匿罪人例擬流張六仔被脅同
行畏懼落後並未幫搶事後隨同嫁賣比照其謀爲
盜臨時畏懼不行事後分贓例擬徒具題該司以張
六仔先經伊父逼脅同行畏罪落後與先經同謀臨
事畏懼者不同其事後將董氏送至周六店中亦係
聽從父命且未得贓將張六仔改照不應重律杖入

十職等查張六仔雖被伊父逼脅同行設使該犯當時隨同幫搶斷不能以先係被逼不與同謀各犯其科爲從擬絞之罪今因其中途畏懼落後復又聽從前往嫁賣律無正條比例擬徒而屬允協似應照覆毋庸議駁

嘉慶十五年說帖

強盜搶奪婦女
船戶被脅裝載

北撫題朱一柏等夥劫陳華元船上錢物並聽從夥搶蕭許氏已成一案奉

批交館查核

職

等查嘉慶五年直隸省張存有張存信

二犯一次夥竊臨時行強應照強盜情有可原例擬

其謀爲盜入室
之犯劫出幼女
遂交把風之人
輪流背走既非
夥謀強搶婦女
仍按強盜本律
分別首從科斷
廣西省廖二案

追一次持械搶奪爲從應照船水手例於首犯強盜斬決罪上減等滿流該省將張存有等照行劫二次例擬以斬決經本部駁令照強盜情有可原例擬追在案此案朱一柏周朝相二犯聽從在逃之李起宜行劫陳華元船上錢物僅止扳住客船並無入船搜劫情事本應照情有可原例免死發遣爲奴該二犯復又聽從在逃之胡志中夥搶蕭許氏已成按律從其重者科斷應照夥謀搶奪路行婦女已成爲從例擬絞監候乃該省於所敘該犯等供詞並看語內

俱作爲行劫二次將該二犯遽擬立決重辟是以搶奪路行婦女之案與盜劫之案併計科罪與例未符該司駁令另擬洵屬允協至夥劫把風瞭望之楊本年等二犯均照情有可原例免死發遣先未夥謀搶奪臨時被脅裝載被搶婦女之船戶楊本五因搶奪婦女案內並無被脅裝載婦女作何治罪正條比照洋盜案內被脅在船服役例擬以滿徒均可照覆復奉

堂批朱一柏等夥搶婦女旣不便照行劫併計而楊本

五於本案裝載婦女又准其比照洋盜案內服役之
例終嫌矛盾應再詳查例案議奪等因查楊本五於
胡志中等夥搶婦女先未預謀知情追各犯將許氏
搶奪過船後因被逼脅裝載開行該犯係夥搶婦女
案內從犯因與洋盜案內服役者不同惟查夥搶婦
女本例爲首者斬決爲從者絞候其被脅爲從者例
無專條卽照本條爲從本罪量減一等問擬亦應科
以滿流查閱該犯供招事前本未知情同謀祇因盜
夥向伊捏稱找工該犯一時誤聽受雇追各犯等臨

時起意搶得婦女該犯不肯裝載又被嚇逼無奈開
船於名犯上岸後旋即回家事後並未分得贓錢其
爲出於逼脅尙屬可信若遽以流罪定擬尤覺情輕
法重查律例內原有斷罪無正條比附定擬之例今
本條既無治罪明文遍查各省並無似此擬罪成案
該省因其搭櫓裝載卽係服役與洋盜案內被脅在
船者情節相同比照擬以城旦並非竟依洋盜治罪
尙屬平允似可照覆

嘉慶二十一年說帖

此案嗣據道駁更正將朱一柏周朝相均依搶奪
婦女爲從擬絞監候案載強盜條

同謀未經同搶
高留又復刁姦

搶奪路行婦女
未賣並非聚眾

東撫 奏取二匪劉升聽從周化南等強搶田張氏
已成該二犯同謀未經同搶均依聚眾夥謀搶奪婦
女已成爲從絞候例上量減一等擬以滿流劉泳來
等明知田張氏係屬強搶之婦輒聽從高留復先後
將該氏挾逼刁姦均應照棍徒擾害例擬軍

嘉慶二十二年案

山東司 查例載聚眾夥謀搶奪路行婦女或賣或
自爲妻妾審實不分得財與未得財爲首斬立決爲
從皆絞監候其有並非夥眾但強賣與人爲妻妾者

絞監候等語是搶奪路行婦女之例重在聚眾夥謀
四字必聚眾至三人以上方照例分別首從擬以斬
絞若結夥未至三人無論已未嫁賣得財均應照並
非夥眾之例科罪例義顯然不容牽混此案安教先
經聽從已正法之薛振有行劫縱丹銘家衣物該犯
在外把風罪應擬遣嗣後聽從監斃之張振布沿途
截搶其夥二人適遇高郝氏逃荒路過張振布起意
搶奪以錢分用邀同該犯將高郝氏搶至張振布家
藏匿尙未嫁賣該犯因聞氏父控縣差緝告知張振

布將高郝氏領出逃走旋被緝役撞獲該犯等商謀
搶奪路行婦女已成結夥僅止二人不得謂之聚眾
自應卽照搶奪路行婦女並非夥眾但强賣與人爲
妻妾之例將首犯張振布擬以絞候從犯安教罪止
滿流仍從重歸於行劫縱丹銘家案內擬以發遣今
該省刪去例內聚眾夥謀四字止引搶奪路行婦女
等字聲明安教一犯除行劫在外把風罪止擬遣不
議外將該犯照聽從强搶婦女擬以絞候並聲明起
意搶奪業經病故之張振布罪應斬決核與定例不

聚眾並未夥謀
為從被誘同行

符應令該撫另行按例妥擬
嘉慶二十三年說帖

奉天司 查例載聚眾夥謀於素無瓜葛之家入室

搶奪婦女無論曾否媒說一經搶獲出門即屬已成

將質為首斬立決為從皆絞監候其有並非夥眾但

強賣與人為妻妾者擬絞監候若於素有瓜葛之家

必實有成証者
方以瓜葛論 先經媒說未允因而糾眾強搶者仍

按強奪姦占已未成本律例科斷如有拒捕殺傷人

者照搶奪殺傷人例辦理等語此案高連登因欲聘

王德富之女小六與伊子留住為妻煩李大向王德

富媒說未允嗣李大病故王德富將小六許與趙姓
爲媳高連登聞知起意訛賴卽至李大之弟李勝紅
家言其胞兄在日爲媒聘定小六爲媳挽甚作證往
尋王德富理講又煩紀緒均戴安同去說合如不應
承卽幫同強搶俱各允從同至王德富家高連登與
李勝紅進屋紀緒均等在外等候時王德富外出高
連登聲言先將小六搶去再議李勝紅卽將小六拉
出門外小六之母李氏喊喚追趕高連登用木棍嚇
毆李氏脊背並未成傷將小六搶回童養尙未成婚

旋被呈控獲案該侍郎以高連登同夥四人紀緒均
戴安二人僅隨從同往並未進屋惟該犯同李勝紅
二人入室未便遽照聚眾入室科擬將高連登照強
奪良家妻女尙未姦汚例杖一百流三千里李勝紅
減等擬徒等因咨部查聚眾夥謀於素無瓜葛之家
搶奪婦女一經搶獲出門卽屬已成聚眾之首犯立
擬駢首知情夥謀同往之從犯皆擬絞候並不以入
室人數之多寡分別罪名輕重今高連登糾約李勝
紅等三人強搶王德富之女小六爲媳如果該犯與

止論成與未成
不論入室人數

誘令爲從仍係聚眾但未夥謀

刑案匯覽

卷八

戶律婚姻

妻強占良家妻女

王德富素無瓜葛自應仍照聚眾搶奪本例問擬不得以入室僅止二人寬該犯斷首之罪卽謂李勝經等係被哄誘偕行該犯雖經聚眾究未夥謀亦應依並非聚眾但強賣與人爲妻妾之例擬以絞候該侍郎以僅止二人入室未便照聚眾入室科擬將該犯等分別擬以流徒係屬誤會例意且該犯高連登與王德富有無瓜葛亦未據聲明罪關生死出入應令該侍郎另行提犯研鞫確情按例妥擬

道光十一年說帖

湖廣司

此案羅九欲聘郭久銘之女郭氏爲妻託

素好之周一向郭久銘媒說未允蓄意強搶爲婚邀
允周一幫搶並向素識之湯一羅六李一捏稱伊原
聘郭氏爲妻氏父悔婚伊欲搶娶囑令用轎抬湯
一等誤信各允同至郭久銘屋後羅九與周一由後
門進內將郭氏拖出捆放轎內抬至薛五老干店內
投宿旋經氏兄郭如彩邀人追獲該撫以羅六等係
被誘擡送並不知強搶情由與聚眾夥謀不同將羅
九依強奪良家妻女中途奪回及尙未姦污例擬以
滿流羅六等擬杖等因咨部查聚眾夥謀於素無瓜

葛之家言奪婦女已成例應分別首從擬以斬絞其
有並非夥衆但強賣與人爲妻妾者亦應擬以絞候
至例載仍按強奪姦占已未成本律例科斷之文係
專指素有瓜葛媒說未允者而言不得混行牽附致
滋出入此案羅九同夥五人強搶郭久銘之女爲妻
雖湯一等三人係被該犯飾詞騙誘誤信同行第在
湯一等前非夥謀則可在該犯不得謂非聚衆如果
該犯與郭久銘素無瓜葛自難寬其驍首之罪卽謂
該犯僅止聚衆究未夥謀亦應照並非夥衆但強賣

與人爲妻之例問擬絞候乃該撫並未聲明該犯與郭久銘有無瓜葛輒將首從各犯照強奪尙未姦汚例分別擬以流杖殊未允協罪關生死應令研訊確情按例妥擬

道光十一年說帖

日犯身雖不行
亦在夥衆人數

直隸司 此案鄭思功充當縣役有縣民呂二皂因貧將妻程氏賣與杜勇爲室後呂二皂捏以程氏係被伊妻嫁母呂程氏私白價賣控縣傳訊將程氏斷歸杜勇領回鄭思功在縣站堂見杜程氏頗有姿色因被夫以賣料其平素爲人不端起意搶回姦宿遂

邀程窩狗何小眼幫搶程窩狗又向革生鄭夢旭油鋪幫工之鄭三兒告知亦邀同往鄭思功探知杜程氏母女騎馬出城卽令何小眼等前往攔搶鄭思功冀圖將來事犯掩飾並未同行程窩狗往喚鄭三兒適因有事未能同行答以隨後趕往程窩狗卽與何小眼趕至中途將杜程氏搶回至李洛烟炮空房看守旋被該縣訪拿提訊時鄭夢旭因聞知族姪鄭三兒被獲心生愁急赴縣喊嚷並將該縣斥罵移學咨革審悉前情該督以該犯主使搶奪實止程窩狗何

小眼二人在場並未聚眾夥謀將鄭思功依強奪良家妻女尚未姦污例擬流加等擬車程窩狗擬以徒杖鄭慈旭免議等因咨部查聚眾強搶賣休之婦向照犯姦婦女例科斷不以良婦論此案鄭思功身充壯役乃因杜程氏在縣涉訟見其頗有姿色輒敢起意搶回姦宿實屬膽玩該犯好色心迷且糾夥搶獲藏匿空房斷無不自前往之理卽使在場同搶實止程窩狗何小眼二人該犯係起意糾搶之人非從犯可比身雖不行亦應以爲首聚眾論且程窩狗轉邀

之鄭三兒俱未同往更難憑信至該縣訪獲此案時
生員鄭夢旭寧不干已何以赴縣罵鬧鄭夢旭是否
與該犯鄭思功同族亦未敘及而杜程氏係呂二皂
賣休之妻杜勇知情買娶例應治罪離異該縣復將
程氏勸歸後夫僅將呂二皂責懲其中情節殊多疑
竇案關衙役聚眾搶奪婦女生員扛幫詞訟譽罵官
長必須澈底根究以成信讞該督將聚眾糾搶賣休
之婦照強搶良婦問擬罪名出入攸關應令研訊確
情按例妥擬

道光十一年說帖

拒稱買妾翻悔
糾眾幫同強搶

東垣 咨九年冬李外結徒犯厲士繁強奪牛氏尙
未姦汚聞拿投首一案查例載聚眾夥謀搶奪路行
婦女或賣或自爲妻妾爲首斬立決爲從皆絞監候
又聞拿投首之犯於本罪上減一等科斷各等語此
案厲士繁因牛氏係李省三之妾李省三年老患病
囑令其父牛申將牛氏領回改嫁厲士繁聞知欲買
牛氏爲妾媒說未允嗣牛申憑媒將牛氏許配王國
泳爲妻雇船伴送完婚厲士繁起意強奪邀妻役張
三良姜五禿子幫同妻役等未允厲士繁捏稱牛氏

經伊買妥牛車翻時另嫁囑令幫同搶回姜俊等允
往雇船追趕厲士榮過船將牛氏架至岸上令姜五
禿子背回厲士榮因拿投首查厲士榮因謀娶牛氏
爲妾未遂探知牛氏配與王國泳爲妻乘其坐船過
門之時糾同姜俊等搶奪首夥四人實屬聚衆夥謀
如以該犯飾詞騙誘姜俊等同搶在姜俊等謂非夥
謀則可該犯豈得謂非聚衆况該犯告知姜俊等牛
氏係伊買妥翻悔另嫁邀同幫搶如果買妥翻悔亦
不應強搶既經聽從同搶卽屬夥謀亦不得以被誘

竊賊臨時起意
搶奪婦女未成

不知情論顯係該犯等事後狡飾之詞圖卸重罪該

撫並未詳訊確情輒將屬士榮照強奪良家妻女向

未姦汚律擬流聞拿投首再減一等擬徒姜俊等擬

杖殊屬錯誤應令該撫研訊確情按例妥擬

道光十年說帖

山東司 查律載強奪良家妻女姦占者絞監候又

例載強奪良家妻女向未姦汚者照已被姦占律減

一等定擬又聚眾搶奪婦女未將婦女搶獲者擬絞

監候又因竊強姦人婦女未成者絞監候又名例載

二罪俱發以重論各等語此案宋三因糾夥行竊見

事主之保娘李陳氏獨處起意商允張四搶奪因李
陳氏喊叫宋三等未經搶獲而逸旋被拿獲宋三等
後雖竊八次罪應擬軍該撫以姦搶情罪相等凡人
強姦未成罪應滿流因竊強姦未成罪應絞候是同
一強姦未成罪有生死之別嚴竊匪而懲淫兇立法
具有深意又凡人強奪良家妻女中途奪回尚未姦
污論罪亦應滿流核與強姦未成罪名相等因竊強
奪未成亦未姦污似與因竊強姦未成情節相類第
凡人夥衆強搶良婦未成罪應絞候本案宋三等首

夥究止兩人與夥衆逞強者不同若將該犯宋三比
照因竊強姦未成問擬絞候設使夥衆強搶未成似
只能照例擬絞不能因竊於絞罪上再行加重引類
叅觀殊滋疑竇例無治罪明文援引恐致出入應否
另立專條抑將宋三一犯比例問擬絞候張四減等
擬流或將宋三從重照積匪擬軍張四照本例減等
擬徒之處未敢懸定咨請部示等因查因竊而強姦
未成擬絞監候之例係專指姦盜相仍者而言若因
竊而搶因搶奪財物而搶及其妻女自有二罪俱發

同姓例不爲婚
不得謂之瓜葛

各從重論之條斷不能以因竊而搶及婦女之案與
因竊而強姦未成之例強爲比附致有出入至二罪
俱發從重科斷律內已有明文亦無須另立專條致
滋膠葛應令該撫將宋三一案速飭審擬報部到日
再議

道光十年說帖

陝西司 此案焦月娃因無服族弟焦三盛保之妻
張氏不能孀守欲行改嫁該犯曾央達七十一媒說
張氏祖姑因係同宗未允嗣將張氏憑媒許配魯五
二子爲妻擇期迎娶該犯不甘起意邀允達七十一

等五人於張氏路過門首時一同攔搶至家達七十
一等散後焦月娃將張氏強逼成婚旋經獲案該督
聲稱焦月娃係焦張氏故夫無服族兄因聞張氏改
嫁先經媒說未允起意糾搶強逼成婚將焦月娃依
強奪良家妻女姦占例擬絞達七十一等照爲從擬
流等因具題查夥搶姦占之案例分有無瓜葛如素
無瓜葛則不論曾否媒說將首從各犯分別擬以斬
決絞候原恐淫兇之徒明知素無瓜葛強搶姦占罪
名甚重因而逆料不允先行媒說以爲將來避重就

輕地步是以例內詳悉註明以憑引斷如瓜葛二字
註又云必實有戚誼者方以瓜葛論是指本有姻戚
又得相爲婚配者而言若同姓係屬宗族不得爲之
戚誼男女例不爲婚有犯應行離異卽不得以瓜葛
論此案焦月娃謀娶已故焦三盛保之妻查焦月娃
係焦三盛保無服族兄卽使媒娶已成定例尙須離
異乃因其另行改嫁先行媒說未允輒起意糾約達
七十一等五人於張氏經過門首攔搶姦污自應照
聚眾夥謀搶奪路行婦女例擬以斬決幫搶之達七

十一等按例應擬絞候今該督會夥眾強搶婦女之
例於不問乃稱焦月娃係張氏故夫無服族兄先經
媒娶未允起意糾搶成婚將焦月娃擬以絞候達七
十一等擬流與例不符臣部礙難率覆再查爲從之
達七十一等或係濟惡幫同架拉抑或僅止隨同助
勢情節均關緊要亦應詳悉訊明以憑核辦該督原
題內僅稱達七十一等上前撲喊一同攔搶殊屬含
混應令詳訊確情按例妥擬

嘉慶二十三年說帖

河撫題吳六代王大詔媒欲娶與伊素有瓜葛之

媒合不從代搶
素有瓜葛之婦

婢始歸宗仍屬
同姓不為瓜葛

李廣同家嫂李張氏為媳未允即起意將李張氏搶
奪買錢分用查吳六與李張氏雖有瓜葛第係為人
說媒未允因而強搶賣錢與娶主央人媒說未允強
搶者不同將吳六仍照並非夥眾但強賣與人為妻
妾例擬絞監候
道光三年案

安徽司 查例載聚眾夥謀搶奪婦女如圖搶入室
未將婦女搶獲者首犯擬絞監候為從實發極邊烟
瘴充軍若於素有瓜葛之家先經媒說未允因而糾
眾強搶者仍按強姦姦占已未成本律例科斷註云

必實有成誼者方以瓜葛論等語此案馬益先本姓
劉螟蛉馬姓爲子因欲娶本宗遠族弟兄劉洪恩之
女年姐與伊子馬潮爲妻媒說不允起意糾同苗老
三等強搶一其四人偕抵劉洪恩門首擁進時年姐
至親戚家未回馬益先等搜尋無著各散旋被拿獲
該撫將馬益先依素有瓜葛之家媒說未允糾衆強
搶尙未姦污照強奪姦占絞罪上減等擬流等因咨
部查馬益先本姓劉螟蛉與馬姓爲子係屬異姓過
繼律應歸宗該犯圖搶之年姐係本宗族弟兄之女

強盜族姓嫁賣
主業已回復

按律不應婚娶與律証所稱實有戚誼方以瓜葛論
者迥別自應仍依聚眾圖搶不成本例問擬該撫將
該犯照素有瓜葛媒說未允糾眾強搶例科斷實屬
錯誤應卽更正馬益先應收依聚眾強搶圖搶入室
未將婦女搶獲者首犯擬絞例擬絞監候該犯業於
取供後在監病故應毋庸議

道光十一年說帖

奉天司 查例載聚眾夥謀於素無瓜葛之家入室

搶奪婦女未將婦女搶獲者首犯擬絞監候爲從實
發極邊烟瘴充軍等語此案韓泳太起意糾同馬萬

順等前往陳泳太家搶奪韓氏嫁賣韓氏係韓泳太
無服族姑同姓例不爲婚向不以瓜葛論其欲賣與
谷宗有爲妻谷宗有與陳泳太等有無戚誼未據聲
明而谷宗有業已辭覆卽與谷宗有無涉該犯等雖
未將韓氏搶獲惟已聚眾入室搶奪未成按例爲首
罪應擬絞爲從之池得珍等例應擬軍乃該侍郎將
韓泳太等比照棍徒例分別擬以軍徒係屬錯誤罪
關生死出入應令該侍郎另行按例妥擬具題

道光十一年說帖

強盜應以
臨時人數為斷

山東司 查律載罪人不拒捕而擅殺以鬪殺論若
罪人本犯應死而擅殺者杖一百又例載聚眾夥謀
於素無瓜葛之家人室搶奪婦女無論會否媒說一
經搶獲出門即屬已成審實不分得財與未得財為
首者斬立決為從皆絞監候其有並非夥眾但強賣
與人為妻妾者擬絞監候又強奪良家妻女中途奪
回及尚未姦汚照已被姦占律減一等定擬各等語
此案朱七仔因胞兄朱桐之女朱氏被夫休回另配
劉倍子聞知託趙可儉媒說聘娶許俟成親後致謝

趙可儉卽向朱桐媒說朱桐以狠好之言答覆並未
說定嗣趙可儉向朱桐定期迎娶朱桐因查知劉倍
子家貧回覆趙可儉嗔其反悔口角而散趙可儉希
圖謝錢以朱桐先允後悔主唆劉倍子強娶囑劉倍
子攜帶財禮先行復哄邀不知情之劉如子牽驢隨
往令其在莊外等候趙可儉與劉倍子行抵朱桐家
聲言接親經朱桐之妻劉氏嘔罵趙可儉起意強搶
同劉倍子進屋將朱氏搶出莊外架扶上驢劉如子
隨同趕驢送至劉倍子門首朱劉氏趕往不依趙可

儉逃劉倍子不敢成親將朱氏交與朱劉氏領回
朱相邀同胞弟朱七仔尋獲趙可儉朱七仔將趙可
儉毆打傷重身死該撫以趙可儉糾九劉倍子並哄
邀劉加子前往接親原糾人數業已成眾而搶奪時
僅止趙可儉與劉倍子二人同往若將趙可儉依強
奪良家妻女中途奪回尙未姦污照已被姦占律減
等擬以滿流則朱七仔將其毆死應照擅殺罪人擬
絞如趙可儉應依並非夥眾但強賣與人爲妻妾例
擬絞監候則朱七仔擅殺應死罪人律止擬杖並援

該省從前辦過曹二劉茂成案咨請部示等因查搶奪婦女之案或援強奪姦古律定擬或援聚眾夥謀例定擬罪名輕重不同總以搶奪之時是否聚至三人爲斷若聚至三人內有一二人係被誘隨行則聚眾而未夥謀其情節雖較聚眾夥謀爲輕而實較並未聚眾爲重故向來無論已未姦污均照並非夥眾但強賣與人爲妻妾之例問擬絞候歷久遵循辦理卽如該撫原咨所引二案內劉茂等搶奪斬留妮尙未姦污一案雖經夥謀於前惟搶奪之時僅止二人

同往與聚衆之例不符是以該省照強奪姦占律減
等擬流本部照擬核覆至曹二等搶奪卓魏氏尙未
姦污一案雖黃魁等二人係被騙隨往並未夥謀惟
業已聚至三人卽難援尋常強奪之律是以本部駁
令依並非夥衆但強賣與人爲妻妾之例問擬均係
酌量情節各按律例分別定斷並無歧誤今朱七仔
擅殺搶奪伊姪女朱氏之趙可儉身死如果趙可儉
初意止圖強娶迨至朱氏門首始行起意搶奪則謀
搶之時僅止二人又未將在莊外等候之劉如子誘

令同進莊內不特與聚眾夥謀者不同亦且非聚眾而未夥謀者可比被搶之朱氏既未被汚自應將趙可儉依強奪而未姦占滅姦占一等例擬流殺死趙可儉之朱七仔依擅殺罪人律擬絞惟細核案情趙可儉代劉倍子向朱桐媒說業經朱桐回覆不允乃復邀同劉倍子並哄令劉如子牽驢前往所供事前僅圖強娶並非預謀夥搶殊難憑信至劉如子雖止在莊外等候並未幫同入室第趙可儉等將朱氏搶出莊外時其恃強架拉之狀劉如子自必目擊而況

朱氏猝被搶走未必默無一言何以劉如子復敢隨同趕贖伴送行走卽難保無夥同謀搶情事該撫於此等情節未據研究明確率行咨請部示本部礙難臆斷應令該撫提犯研訊確情分別按例妥擬

道光十二年說帖

素無瓜葛卽不論其曾否媒說

陝撫 題李有義強搶陳杜氏姦污一案奉

批交館查例內素有瓜葛之家向應否刪用等因查搶奪婦女之案定例必素有瓜葛者方以曾否媒說分別定罪如素無瓜葛卽先經媒說未允亦應按例斬

決前年本部纂例時因各省往往節刪比附開脫搶
犯重罪曾於進呈

黃冊內聲明添纂無論會否媒說小註一句奏准遵行
今該撫以素無瓜葛搶奪婦女之案節刪例內素有
瓜葛一句率引先經媒說之條將例應斬決之李有
義擬以絞候殊屬錯誤至該犯所糾之李根勞等三
人雖係哄誘隨行惟糾夥已在三人以上不得謂非
聚眾在被誘之人固可依例減等而該犯則自有聚
眾夥搶本條未便曲爲開脫似應議駁謹另擬稿呈

錄呈

稿

查媒娶婦女未允因而聚眾搶奪之案必

係素有瓜葛者方予緝首其素無瓜葛者仍應按科
搶本例分別首從定罪誠恐兇徒覬覦良家婦女意
欲強搶故令人前往說媒明知其必不允從然後糾

眾搶奪到案時得以藉詞邀就殊非戢暴安良之道

臣

部前因各省以例內有先經媒說之條往往節刪

素有瓜葛之句曲爲援引以致搶案頻聞會於土局
纂例時奏明於例內素無瓜葛下註明無論會否媒
說字樣纂入例冊遵行定例判然難容牽混此案李

有義與杜氏素無瓜葛因杜氏夫故欲求娶爲妻央人媒說未允旋聞杜氏許嫁趙玉起意搶奪邀李跟勞等同往見杜氏在故夫墳前燒紙李有義等將杜氏搶回姦污查杜氏往夫墳燒紙卽係路行婦女該犯將素無瓜葛之杜氏搶奪已成例應不問曾否媒說均以搶奪路行婦女論其糾邀李跟勞等同往已在三人以上焉得謂非聚眾且李跟勞等均非年幼無知何至全被李有義哄誘所稱被誘隨行之處難保非串飾狡卸就令所供屬實而該犯之意在糾奪

夥衆逞強不得因從犯係被誘隨行卽寬首犯驍首
之罪自應各依本例科斷今該撫以素無瓜葛聚衆
搶奪路行婦女之案牽引素有瓜葛先經媒說未允
之例復節刪例內素有瓜葛一句強行附合將李有
義擬以絞候殊與定例不符應令研鞫確情另行妥
擬

嘉慶二十一年說帖

夥搶從犯均不
知情各科名罪

東撫 咨曹二強奪卓魏氏已成尙未姦污並拒傷
氏翁卓泗明一案查入室搶奪婦女已成之罪例以
有無瓜葛爲二等而素無瓜葛之中又以有無夥衆

爲二等素無瓜葛者如係聚眾夥謀爲首斬決爲從絞候如並非夥眾則以強賣與人爲妻妾者絞候若自爲妻妾較賣與人爲妻妾尤重在夥眾搶奪自爲妻妾之犯例內載明與賣者同罪則搶奪自爲妻妾而非夥眾之犯亦應與強賣與人爲妻妾者同科例不言者舉輕以該重也其素有瓜葛又經媒說未允者方按強奪姦占本律分別已未成科斷蓋強奪與搶奪稍覺有別搶奪係憑空奪取強則事出有因但取之用強耳是以素有瓜葛又曾經媒說者卽分別

已未成姦以強姦姦占論如素無瓜葛又未經媒說
卽當依搶奪本例以是否夥衆區定罪名不得復牽
引強姦姦占之律致滋混淆此案曹二與魏氏素無
瓜葛因魏氏夫故圖娶爲妻央氏翁之堂弟作媒不
允起意搶奪哄誘黃魁等二人偕往將魏氏搶出氏
翁卓泗明追趕被該犯推跌搥傷額顙黃魁等將魏
氏送至該犯家復被卓泗明糾人奪回該省以曹二
強奪魏氏爲妻尙未姦污律得議減惟推跌氏翁致
令搥傷應照搶奪傷人傷非金刃傷輕平復例擬軍

開
搶奪婦女案內
從犯係屬事後
知情比照強奪
良家妻女姦占
被誘知情扛擡
例擬徒道光四
年湖廣司饒在
相說帖載犯罪
事後在逃條

等因查該犯等三人往搶例得稱衆夥夥犯黃魁等
不知搶情祇係被誘隨行幫同扛擡應各科各罪而
在該犯則係夥衆搶奪檢查二十一年陝西省李有
義哄誘李跟勞等三人往搶杜氏一案經本部以李
有義糾衆已在三人以上焉得謂非聚衆題駁在案
此案糾夥情節正與李有義相同查閱該犯曹二供
招僅稱與氏翁同莊認識其非素有瓜葛可知該犯
所託說媒之人並未往說其不得爲先經媒說可知
照本部議駁李有義前案應科以爲首斬決之條如

謂例內有聚眾夥謀字樣該犯雖經聚眾祇係哄誘
偕行究未夥謀卽照並非夥眾之例亦應與與人
爲妻妾者同擬絞候其拒捕推跌氏翁成傷係輕罪
不議乃該省以該犯尙未姦污竟援強奪良家妻女
之例聲稱律得議減是以素無瓜葛之案而引素有
瓜葛之例已屬援引錯誤且以搶奪婦女自爲妻妾
之犯較之但強賣與人爲妻妾例應較候者反輕亦
未平允似應議駁至從犯罪名尙無錯誤應請先行
照覆謹另擬稿尾錄呈

稿尾查例載聚眾夥謀搶奪

路行婦女或賣或自爲妻妾者並聚眾夥謀於素無
瓜葛之家人室搶奪婦女無論曾否媒說一經搶獲
出門卽屬已成爲首者斬立決爲從皆絞監候其有
並非夥衆但強賣與人爲妻妾者擬絞監候若於素
有瓜葛之家先經媒說未允因而糾衆強搶者仍按
強奪姦占已未成本律例科斷又律載豪強之人強
奪良家妻女姦占爲妻妾者絞監候又例載強奪良
家妻女尙未姦污者照已被姦占律減一等定擬各
等語是搶奪婦女分別定罪之例以有無瓜葛爲斷

而素無瓜葛者又以是否夥衆爲斷至因搶奪而占
爲妻妾其情較賣與人爲妻妾尤重例於路行婦女
下載明或賣或自爲妻妾者同科舉一以反三而於
並非夥衆之下但稱強賣與人爲妻妾者絞候舉輕
以該重也若例載仍按強奪姦占已未成本律例科
斷之文係專指素有瓜葛又先經媒說未允者而言
不得混行牽附致滋出入此案曹二因魏氏夫故欲
娶爲妻央氏翁之堂弟卓泗恭爲媒卓泗恭不允曹
二起意搶奪哄邀黃魁黃玉成等同往將魏氏搶拉

出門囑令黃魁等先行魏氏喊救氏翁卓泗川追趕
被曹二推跌搥傷額顱黃魁等將魏氏送至曹二家
卓泗川邀人將魏氏奪回尙未姦污查該犯糾夥已
至三人不得謂非聚衆檢閱供招該犯與魏氏祇係
同莊認識素無瓜葛又無先向氏翁媒娶之事雖被
糾之黃魁等被誘隨行不知搶情祇應各科各罪而
該犯則意在糾搶業已夥衆逞強自難寬其斲首之
罪其拒捕推跌氏翁成傷係屬輕罪不議如謂該犯
僅止聚衆究未夥謀卽照並非夥衆之例亦應依並

非夥謀但強賣與人為妻妾者例擬以絞候今該撫以曹二強奪良家妻女尚未姦污聲明律得減流仍照搶奪傷人傷非金刃傷輕平復例擬軍是以素無瓜葛夥搶婦女之案而引強奪良家妻女之例援引已屬錯誤且以搶奪自為妻妾之犯較賣與人為妻妾者轉輕擬斷亦未平允本部未便率覆應令該撫詳核定例另行妥擬其黃魁等二犯均應如所咨先行完結

嘉慶二十二年說帖

安撫

咨呂得起強搶汪氏尚未姦污一案查此案

妻被悔婚強奪
媒人之姐抵制

刑案彙覽

卷八

戶律婚姻

強占良家妻女

張圓之叔張輞淋病故遺妻馮氏經張圓之母產氏
說媒將馮氏嫁與呂得起爲妻議明財禮係馮氏夫
兄張輞賢主婚後張輞賢以呂得起並非同鄉起意
悔婚另嫁呂得起與馮氏成親後旋卽外出張輞賢
卽令堂弟張輞佐等將馮氏接回託汪中言方添相
媒合嫁與同鄉王定輞爲妻呂得起控縣差拘未到
呂得起意及馮氏係張圓之母說合馮氏被張輞賢
另嫁張圓不爲我尋欲搶張圓之妻汪氏作抵並以
馮氏另嫁時係汪中言做媒嚇逼同行復邀同方添

相等至張開家將汪氏搶至家內尙未姦污被控獲
案查呂得起因被張惲賢將伊妻悔婚另嫁輒歸咎
於從前媒合之人強搶張開之妻作抵訊未姦污自
應照強奪良家妻女尙未姦污例科斷汪中言係被
逼隨行並非夥謀強搶且在空地等候亦未同往搶
奪該省將呂得起依強奪良家妻女尙未姦污例擬
以杖一百流三千里汪中言依逼誘隨行例擬杖八
十並將另嫁之張惲賢等照律分別擬杖查核情罪
均屬允協應請照覆

嘉慶十七年說帖

升家國
夥搶爲從雖未入室仍應擬絞

吉林將軍 咨李勇搶奪戴白氏一案查案內之張信聽從搶奪婦女該犯雖未入室究屬濟惡按例罪應擬絞該將軍將該犯於首犯李勇斬罪上減等擬流與例未符該司駁令另擬洵屬允協應請照辦
嘉慶二十年奉天司說帖